





棗林雜俎 中集

名勝

黃河

九河

運河

鹽池

潮汐

南亂北亂

王寧窮汭記

禹穴

呂梁洪

鴈湖

月湖

醋滄

石槽水

湏水

粉水

鶴州水

龍潭

清池



珠池

蘇池

舜井

聖井

丹井

柳翠井

肅府井

火井

鹽井

喜客泉

澹泉

肥泉

膽泉

婆三泉

燕泉

聖泉

喊泉

趵突泉

靈泉

溫泉

營建

述鄭公校錄本

山陵

候氣室

槐廳

明德堂

梅熟堂

六老堂

耒玉堂

銅雀臺

厄臺

主人臺

鶴臺

摩旗臺

六相樓

瑞光樓

四雨樓

朝天宮

鉄柱宮

獲魚宮

白塔

鎮河塔

龍門禹廟

南岳廟



御題祠山廟

江神廟

長平驛

鐵柱

與言書院

水廠

魚骨橋

皇過此橋

廣濟橋

倒流橋

萬安橋

仙橋

楹帖

鉄牛碑

宋文貞公碑

毛文龍公碑

木碑

定霸城

顛項塚

鯨墓

禹陵

閔龍逢塚

述鄭益校錄本

齊桓公墓

雙娥堆

陳仲子墓

王翦墓

青塚

孫嵩墓

高陵

黃耳塚

郭璞墓

太康瓦券

張賓墓

李太白墓

寶峰寺古墓

南漢劉氏塚

瀧陵阡

蘇文忠墓

琴捺塚

方臘祖塋

鉄棺

劉刺史墓

黃元菴墓

蕉花女墓



張王墓

鄭曉墓

器用

研

仙針

鐘

圓花鐔

張三丰食器

貢金

銅冶

鉄獅

孫一元墓

卽灣古墓

鉄塔鉄鑊

琴

鼓

辟塵鑪

銅法馬

窖金

紫石英

述鄭公校錄本

関將軍印

藤船

荒銀

祖母緑

緬鈴

榮植

古木

竹

彭侯芋

荔枝

羅漢菜

銅獅

遺印

空青

琥珀

蓬萊閣石鏡

穀

長韭

甘藷

獨本葱

人參



地黃

佛手柑

薔薇露

大内瓜子

文林郎

不灰木

君子樹

木威

血樹

椿寔

塔松

紅荳樹

陰陽柏

蕨草

順棘

松羔

羅漢樹

赤藤

金剛蓼

指甲花

孝陵海棠

木蓮

述鄭公校錄本

婆樹木花

唐婆鏡

葡萄花

滇茶

玉女花

勞山白牡丹

延州紅

海棠

金蓮寶相花

紫金蓮

轆頂花

普舍樹

素馨茉莉

特產

廬山紫芝

菊實

菊譜

蘭

棉花

茅

仙草

不死艸



真山洞艸

俱那衛樹

虞美人草

通靈草

茶

經却艸

曠動

獸異名

龍

蛇

飛魚

觀音篋觀音燭

夢花草

羅漢絲

相連草相離草痴漢艸

金絲烟

禽魚異名

蟒

石魚

五色魚

述鄭公校錄本

狼山魚

鯢魚

石花魚

蛙

蝗

金蚕

鳳尾

雞足山異鳥

朱鷺

石鵝

鶴

鮎魚

画魚

鯽魚

玉蟾

螢蟬

野蚕

碧鷄

石燕

海鵬

白蝙蝠

鷓鴣



鸚鵡

沙雞

綠鬃采雞

羅雀

鴉

桃拔

牴詭

騰豸

毗耶

鹿

獅

羊

犬

鼠

白兔

麟

豪彘

馬

述鄭公校錄本

棗林雜俎中集

名勝

鹽官談遷孺木著

黃河

河南北諸水源渟而暴漲每遇發時浪高數丈排山倒岳扛梁舟楫皆不易施然其淺可立而待也故俗以徒涉為便許松舉謂孟子不知子產乘輿之事亦有理

陸儼山外集

九河

保定地卑水自西北來者九曰蘆溝橋拒馬夾河琉璃胡良桑乾烏流白澗白海是為北九河非禹疏九河也從雄縣而下匯於毛兒灣

運河



鎮江至杭州運河相傳隋煬帝鑿濟寧楊士聰游武進戚墅堰  
讀遺碑戚墅支河自六朝已有之此言必有所據夫使運道未  
通而先有支河此涓涓者將安所歸則知自古而然非自隋始  
也或因而濬之耳見玉堂薈記中愚按夫差鑿邗濬以達江淮  
能致力江北豈蘇常近地獨不通舟楫耶攻楚攻齊轉餉一二  
千里必非陸輓則運河為夫差時無疑

### 鹽池

解州鹽池蚩尤所掘穴平時淺波歲九月九日先後數日嘗大  
風雨為化鹽之候彼二十里之聚各儲草薦木屑竹枝樹梗散  
履壞絮之屬一切雜投狂風一夕作凍明日視之滿皆鹽華矣  
味甘鹹甚瑩潔始祭蚩尤之旗官收其半民取其餘無不滿意

述鄭公校錄本

寧夏鎮城南北各三十里俱有鹽池其產不多官亦不禁不知  
於古何名河東邊外有花馬紅柳鍋底三池以境外棄今鹽池  
之在三山兒者曰大鹽池在故鹽州城之西北者曰小鹽池其  
地曰孛羅等池最多皆分隸大鹽池其鹽不勞人力因風而生  
原額三千二百餘引弘治九年延綏寧夏二鎮輪招馬匹尋乃  
奏革正德初總制楊一清奏如河東運司例每引收銀一錢五  
分增課五萬二千引

### 潮汐

招遠楊太史觀光曰地之有潮即在人有天癸之說也潮之理  
每歲升降于二八二八為一歲寒暑之分每月升降於初八廿  
三為朔望之分每日升降於朝夕朝夕為晦明之分八月潮生



而天交於地二月潮生而地交於天天交於地而秋冬閉胎息之象也地交於天而春夏啟長養之象也天地男女一而已矣崇禎戊辰潮溢吾寧邑人望城外如火蓋陰火潛燃之謂也

### 南乱北乱

平涼府沙棠川出崆峒山之後峽匯于崆峒之東麓曰南乱金佛峽水循府川而東至龍音寺出與崆峒前後峽水而為涇過府城西北曰北乱詩注曰乱截水橫渡也

平涼府志

### 王寧窮汭記

涇州諸生王寧記曰汭水記於禹貢廣韵汭音儒說文汭从水从内訓曰兩水合流之謂也又曰小水入大水之名質其實雍豫二州有專名之者有通名之者專名者以義也通名者以類

述鄭公校錄本

也以類通名如會于渭汭東過洛汭是也蓋渭自鳥鼠而東逝涇出筭頭而北來二水至高陵而匯于河經龍門東至豫州洛由熊耳東北入河既皆小水入大水且兩流合為一以故不曰涇渭而曰渭汭不曰河洛而曰洛汭由是推之則凡諸州之水類於是者皆不拘于定名而得通稱為汭也以義專名者涇屬渭汭是也汭在華亭城東三里乃兩水合流其北源西出小隴山之馬峽俗呼北河南源西出隴山之仙姑峪俗呼南河北河環朝那山前蓋山有古朝那山廟其西北有湫東去縣東三里而別稱為兩山南源環王母山山巔有古王母宮東去四里別稱為儀山俗呼為回頭山儀州寔以是名也儀兩兩山南北對峙豁開如門故兩水合而東流名之曰汭也又二水交流而下



亦專名為汭也汭匯為深潭潭名合水水之北岸一臺高廣平夷荆榛瓦礫錯雜相傳禹王廟也北陟兩山之巔遙見東南隱隱峰峦侵入太虛隴州吳山也沿汭峽峽石三十里皆斷崖摧壁神禹疏鑿之跡也峽行十五里南垓有女神之廟扁曰抵汭元君土人呼底茹娘娘汭讀為茹茹孺同音廟東十五里至石堡汭北受柴抵水源出朝那湫山之陽而陰即為涇水又東五里至安口峴牛心山南受武村水汭至是益大北有斷萬山自馬鋪嶺柴卽而來南有五馬山自石櫃寺武村而至兩壁削立巉岩百仞束汭于中雪浪湍激經行五里為屯城唐李元諒屯兵扼土蕃者也屯東為崇信川汭水益大深不可涉行旅皆祖而濟又東三十里北過崇信縣城崇信人曰汭水遠北又東七

述鄭公校錄本

十里東過涇州過回山乃屬於涇弘治戊午督學副憲虎谷王公按涇州試諸生竣乃涉水登王母宮寧從行王公東眺曰北流而濁者何水乎寧對曰涇也南流而清者何水乎對曰汭也公曰是禹貢雍州屬涇之汭乎周賅方其川涇汭乎昔公劉有汭鞠之即吾過豳西行三千里涉一大河北入涇是何名乎寧曰靈臺之達溪也公曰朱子注汭鞠之即曰豳地日廣也試且廣求之斯地有百泉乎寧曰去華亭西北三十五里朝那山湫陰有泉百餘為涇源乃百泉也有溇原乎寧曰亭口靈臺之西汧陽隴州之北華亭龍泉之東有廣原唐尉遲敬德破突厥郭子儀破吐蕃之西原也李元諒開美田千頃號曰良原今為溇潤源公又曰此與吳山南北乎寧曰正相南北公曰必茲西去



百里外有兩水合流者可謂之汭矣若其窮之乎寧計華亭至涇程一百三十五里果符公言還白之公曰朱子注詩言汭水出吳山西北者以名山而志名水窮汭泝流也今遂謂出隴州東入於涇今隴州乃沂入渭去涇遠矣且將置溇原於何地乎趙中丞時春曰寧之論汭謂小水入大去是矣然達溪雖經流靈源出武村西南遠門川諸水合良原靈臺諸溪以入涇皆汭也

### 禹穴

松潘亦有禹穴禹生于此其水皆丹樛李徐道荆親見向予言之陳眉公太平清

### 呂梁洪

述鄭公校錄本

萬曆癸卯鑿徐州呂梁洪得唐尉遲敬德所題名相傳孔子觀呂梁非其處

### 鴈湖

廉州府城西北七十里鴈湖每秋冬有雙鴈游於其間為其罕有故名

### 月湖

寧夏衛月湖廣斥無水草遠望瑩然畢照俗呼稱古戰場也

### 醋漚

唐岑參詩雁塞通鹽澤龍堆接醋漚郭緣生述征記舊魁城至醋漚九十里

### 陰司漚



襄城縣北四十里穎橋鄭莊公見母處有隧道在焉俗呼陰司  
澗

八功德水

南京靈谷寺琵琶街側有池云八功德水余嘗過之則涸按八  
功德水見天竺國一清二冷三香四柔五甘六淨七不噎八除  
皇后水

武安縣西八十里太行山中有池夏涼冬溫世傳宋太祖下河  
東將引皇后入晉陽后病瘡掬此水浴之遂愈至今人稱皇后  
水武安縣志

水柱水

宣府懷安衛城西南三十里虎窩山崖水出盛夏結為水柱至

述鄭益校錄本

隆冬反釋

灑水

諸葛孔明五月渡灑水即黑水非灑州也其水色黑故曰灑  
沉黎古志孔明南征由今黎州四百餘里至雨林蠻自雨林南  
琵琶部三程至雋州十程至灑水灑水四程至弄棟即姚州也  
金沙江在滇蜀間一在武定府元江驛一在姚安之左卻擬沉  
黎志孔明所渡當是今之左卻琵琶一作虱琵琶兩林今之邛部  
長官司也

愛陽河水

宣府愛陽河在炭山西北二十里本牧地深二尺餘下有頑水  
黑色者數尺水上有浮草性涼宜牧馬其地生黃花大如錢人



馬蹂踐萎悴明日復生如新

石槽水

高陵縣清真觀在縣東南二十里吳村西魏文帝嘗過此有石槽圍方不及二尋水常盈以飲隨駕馬千餘正不減涓滴文帝異之主觀者對曰臣有飲馬珠在內故水不竭頓首獻珠今石槽存

湏水

榮陽湏水湏音會今寫作須讀作需誤

粉水

粉水源出房縣蕭何夫人於此漬粉鮮潔異常

鶴川水

述鄭公校錄本

雲南鶴慶刀劍取麗江之古宗鉄濯以鶴川利可剗犀屈之可以繞指

龍潭

天啟丁卯立秋日天台石梁下龍潭忽涌金錢三枚各重一兩六錢面鑄太平通寶字攷縣志宋太宗鎮潭物也遂募塔曰聖祥

清池

滄州清池凍冰結花四散離披有松竹牡丹車馬人形等異狀詩云兩木日甲皆佇立結水池上盡離披出周府博平王錦囊清池中蓮蕊取之研如泥凡繪圖寫畫光焰勝金色

以上滄州志

化癭池



武安縣西柏林里有池周十八畝瘠者飲之可化

### 珠池

廣州府城東南八十里有平江青鳶楊梅池雷州有樂民池俱產珠 明時率十五六年或十年一採始得美珠迨者三年一採俱碎小藩臬有司頗受詰責

嘉靖二年採珠至廿二年復採僅隔十年海北道僉事翁傳嚴立採法四閱月方才封用 銀七千餘兩除織造螺筐起蓋廠房夫役俱役民不預造報者不下二千餘兩僅得珠四千餘兩所得不償所費尚且碎小區不堪二十四年九月又採如前知府胡鰲建議謂前採納至今僅隔一年螺珠未生縱有一二生息俱係嫩小無珠恐復虛費又攷洪武廿九年詔採珠至永樂

述鄭益校錄本

十四年始復採又至天順三年詔採珠其年十二月弘治十五年復採正德九年詔採珠則以為頻數矣嘉靖五採<sub>詳</sub>詔採珠其年十二月大雨池水冰結樹木皆枯民多凍死螺筐夜有火光人皆異之九年又採十二年三十年連採此珠之所以少也正德九年採珠樂民池無珠

### 蘇池

眉州三蘇祠有二池遇賓興蓮開並蒂必有登科者

### 舜井

舜井在歷城山下綠床朱纆婦子牽挽數十步不止也深十五丈左圓右方或棄物於井則從西出

### 倒井



諸城縣北五十里城陽社井故卧斜入如人攀倒而然泉甘冬夏不竭

聖井

邯鄲縣西北二十里聖井其水常溢遇旱取水祈禱有驗先期齋宿於廟次日詣城隍廟焚告詞又次日與衆步迎城隍如聖井廟拜訖令嫠婦潔者七人各持新帚環井洗箕以箕揚水如飛雨狀仍各大教云東海老龍七个女刷子簸就下雨如是者数次始淘井時大伐鐘鼓衆伏地號呼如哀如訴待新泉湧出取注瓶內仍徒步捧歸朝夕行香兩後送水入井謝之

邯鄲縣志

丹井

四川德陽縣江干有許旌陽丹井江水撼射井屹然不崩歲旱

述鄭益校錄本

江竭井温如故

郭子章蜀草

柳翠井

仁和縣鼻亭山柳翠墓普濟菴有柳翠井

肅府井

甘肅王府有井嘗涸秋子果熟以牲禱井泉溢煎果作紙味酸解渴化痰果盡復涸又酒泉倉無鼠

曹縣藍亞中集

火井

臨邛縣火井夜時光映上照民欲取其火先以家火投之頃許如雷散火焰出通耀数十里以竹筒盛其光藏之可拽行終日不滅井有二水取井火煮之一斛水得五斗蓋家火煮之得無幾也社詩負盞出井此海方正指是井蜀井大都艱於得盞而



此井獨易

益井

蜀中益井始於李冰大都竹井井形大如竹僅可容竹也其鑿之甚艱其入之甚深其汲之甚苦水出山石淡上鹹下有鑿至五六十丈而淡出百丈而益出鉄釘漕釘刮簡吞銅等器織悉甚備不比晉齊燕取水成益之易也四川通志

喜客泉

句容茅山喜客泉濶二丈深三四尺清冷見底客至拍手浩歎懽笑泉底噴沫如珠串啞啞向人浮出相戒默然無言泉亦沉静

澹泉

述鄭公校錄本

海鹽尚胥橋北河中方丈許沸湧味淡盖海眼也或繩探之莫測土人沈氏偶篙中之反躍一木為梁又縣城西天寧寺有澹泉鄭端簡澹泉本此

酒泉

東昌荏平縣西北丁家岡甘泉宜釀

肥泉

水經有肥泉如國地志有肥累城其地在今東垣之境泉水詩曰我思肥泉茲之永嘆釋謂衛女思歸肥泉謂自衛而來所渡水今此水當在邢衛之間予往經是縣泉水又不多見也但觀其土壤沃饒優於鄰境肥之名其以是歟陳渠廣平府舊志

膽泉



鉛山縣西七里銅寶山有貌平坑石竅中膽泉流出浸鉄可銅  
又鷺洞鄉去縣治七十里有澆澮七十所取本地水積為池隨  
地開澆碎鉄鋪之浸染色變鍛則為銅又德興縣北銅山下一  
名銅泉浸鉄數日類朽木刮其屑鍛銅

福建上杭縣紫金山胆水池亦如之宋游經言胆水可浸鉄為銅  
者凡十一所古坑有水處曰胆水無水處曰胆土胆水可浸銅  
胆土可煎銅

### 婆々泉

廣西慶遠府思恩縣北五十里有水常隱不見遇行人渴飲婆  
婆則涌出飲足復竭慶遠府志

### 燕泉

述鄭公校錄本

柳州城西有泉春燕來水盈秋燕去水平故何孟春尚書號泉

### 聖泉

貴州城西五里泉出石罅匯為方池一日百盈百竭弇州錄名  
百刺泉郭中丞子章往觀條盈條竭偶雨集井溢僕夫趨歸言  
百舉成數也一統志稱聖泉長史劉汝楫記曰宇內名泉若湯  
泉火泉井瀑布趵突諸類洎陸羽所品次靡可縷指特壞界色  
味稍殊而無潮汐惟漳浦蜡河候官潮泉鍾山應潮連州潮泉  
固亦消息有期而其地濱海乃緣海為潮汐泉不得與也若池  
陽潮泉章貢三潮安寧海眼樂平鳳游荆門蒙泉柳州潮泉吾  
鄉龍潭潮井去海懸絕似與聖泉為伍第彼潮候僅再至三至  
亦未有百刺消長別具一橐籥者則聖泉之靈且异在別境寧



復有坎乎

喊泉

武夷山喊泉當製貢茶太守禱畢大呼天子要茶泉即溢復呼太守要茶泉復溢否則涸按何喬遠閩書建安縣御泉一名鳳凰泉一名龍焙泉宋上供茶取坎深僅二尺許有暗渠通溪泉日月從渠出而舊志謂喊之則出造畢則竭蓋神异其說以表美云

趵突泉

濟南府呂祖廟前趵突泉三穴並湧高數尺如隱雷蓋汎水下流也崇禎乙卯正月濟南陷泉勢亦減

靈泉

述鄭公校錄本

岐山縣東十五里周公廟東西有靈泉相傳世治則出世亂則竭其出必風雨數日唐太宗二年出賜名潤德後復竭雍熙二年復出金末復竭元至正十七年復出其後仍竭明弘治十五年九月甲子雷風又作山澤震裂泉乃復出

温泉

泉貴甘冽至於温异矣又並泉也一温一冷猶是泉也條温條冷不異之異乎博物志凡水源有硫黃其泉則温或云神人所暖主療人疾後周王褒温泉銘云白礬上出丹砂下流乃知温泉必白礬丹砂硫黃三物為之根乃蒸為暖流耳明廣陵御史桑喬曰雷火所灼其氣亦硫豈以雲雷之中而亦有硫哉蓋極陽之氣也夫温泉亦極陽所聚蘊隆如五行变化奚所不至



蕭山之墟有涼燄焉可云其下有冷石耶愚深服其辨而溫冷  
交換又所未解正聖人之不論不議也概見一統志間有遺採  
偶彙之似終未盡

北京

順天府昌平縣西北二十五里湯洛山下有溫泉又東南三十  
八里湯山下有湯泉四時嘗溫浴之愈疾

遵化縣西北福泉寺山下寬平約半畝泉水沸出溫可浴

真定府平山縣西四十里溫泉

阜平縣西北八十里湯池俗傳昔有吳王經此欲浴池水忽熱  
王惡之旁即有冷泉噴出至兩泉一溫一冷

順德沙河縣西北七十里湯山下湯泉可愈疾

述鄭公校錄本

永平府撫寧縣東北七十里溫泉浴之愈疾望之熱氣氤氳

延慶州西北三十里佛峪山下有溫泉

保安州城南十五里溫泉

萬全都指揮使司宣府城東六十里湯池山有溫泉愈疥癬又  
西南順聖廢縣東二里溫泉下流半里滲池

赤城堡龍門鎮

宣府城東  
百四十里

北鄉赤城寺側山根湧出暴熱而流

有一冷泉浴之愈疾

雲州堡寶濟鄉暖湯一處出泉凡七十二眼

南京

應天府上元縣東六十里湯山湯泉六穴以煮葶藶終日不熱  
艸木灌之愈鮮茂劉宋江夏王義恭銘曰秦都壯溫谷漢京麗



湯泉炎德資遠液暄波起斯原 又府城東北四十里水同一  
壑冷熱相半熱可瀹雞中皆有魚之交互輒死民引熱水灌田  
一歲再熟 又府東南雁門山上有溫泉可浴

江浦縣西三十里湯泉一名香泉其泉有二相去又餘步南唐  
韓熙載記其泉能蠲除疾疹又溧水縣西南香泉同

廬州府巢縣東北十五里半湯山有二泉名半湯池一冷一熱  
合流其初冷熱仍異數里之外始相混魚自冷泉觸熱則亟回  
舒城縣西南七里湯泉冬夏常熱可以烹茶

英山縣東西皆有湯泉時沸騰不竭

安慶府望江縣菩提寺北司馬龍井冬溫夏冷可以愈疾  
皖公山上湯泉四時如湯可浴

述鄭益校錄本

徽州府歙縣西北百二十里黃山第四峰有泉沸如湯常涌丹  
砂浴之能愈風疾

和州北三十五里平疴湯泉其色深碧沸白香氣襲人愈瘡疥  
太子泉即湯泉之一梁昭明太子嘗浴於

### 山西

太原府定襄縣東北二十里聖阜山有溫泉龍朔中嘗賜錦幡  
李治有碑記

遼州東八里溫泉冬寒熱氣上騰五六尺 沁州南一里暖泉  
隆冬不冰

孟縣北百二十里溫泉有三穴出盤石中尤熱舊經云北齊濟  
南王有疾于此沐浴遂愈其水南注潯沱河一出縣東二十里



名溫泉池

孝義縣西九十里高唐山之側溫泉靈液淡淡和氣如薰經嚴冬積雪不冰

大同府治東北火井南北七十步廣減尺許深不見底炎熱上井常若雷霆以草爇之則烟騰火發又東北去火井五六尺湯井廣輪如火井熱勢亦同以草內之皆沾濡內露結故俗以湯井為日升井

靜樂縣東十五里北山下石縫中溫泉流入碾河

蔚州府西三十里暖泉夏涼冬暖可資灌溉

苛嵐州城南山下溫泉其穴數十引為水磨

永寧州城西崖下溫泉湧出南流與川水合

述鄭益校錄本

寧鄉縣西南百里暖泉村其泉有氣又名牛尾泉西北流入黃河

五臺縣東南四十里有溫泉東流入清水

山東

兗州府曲阜縣南七里溫泉

沂州東北郊縣城西北俱有溫泉

青州府安丘縣西七十里溫泉

登州府城南七十里溫泉又棲霞縣艾山寧海州嵒山

福山縣西三里奇泉自石孔出味甘冬溫夏冷

招遠城東二泉並出一寒一溫

寧海州東四十里龍泉文登縣西七里湯泉又東北六十里溫泉皆寒溫二泉並廢



萊州即墨縣東四十里溫泉烏墜輒爛旁有冷泉  
遼東都指揮使司溫泉凡六一都司城南五十里一城東南五  
十里柳河一西南七十里鞍山一曹庄驛東十五里一寧遠衛  
東南二里一廣寧前屯衛東北七十里

河南

河南府城南溫泉冬溫夏涼又新安澠池嵩縣俱有之  
南陽府城北二十五里紫山有水冬夏常溫曰陽谷  
裕州歷山七峰山各有泉冬暖  
汝州西南六十里溫泉有九眼東南流注廣成澤可療疾唐武  
后常幸此有溫湯碑又有寒泉南流  
汝寧府固始縣西南山中溫泉其熱如湯其色綠

述鄭公校錄本

商城縣南溫泉能已瘍疾

涉縣西北三十里溫泉今淤塞不存

陝西

西安府臨潼縣東南二里驪山溫泉下乃磬也秦始皇于此砌  
石起宇漢武加修飾唐時建溫泉宮

藍田縣西南四十里石門湯泉 武功縣太乙山有水沸湧如  
湯可療疴疾

鳳翔府寶雞縣太白山下溫泉可治百病世傳清則病愈濁則  
無驗

平涼府北城之間有溫泉即古柳河也深數尋溢出灌溉諸園  
圃冬暖不冰趙時春平涼府志曰平涼府為川者二十而羸為



泉而冬不冰者以數百而冰者不與焉

鎮源縣鹽池東有泉冬溫又有泉可植蓮皆東入高平鄉

隆德縣城東百步溫泉出石穴寒沍不冰萍青冬草下有廢蓮

池圍可二里

靈臺縣保山之陰溫冷泉半溫半冷浴之愈疾

靜寧州城東五十里有暖泉冬弗凍又城東三十里乾磴川有

溫泉

延安府治南泉有七眼味甘冬溫夏冷遇大寒流溢不凍甚濟

居人

甘泉縣南四十三里溫泉山下有溫泉

陝西行都指揮使司永昌衛城西南三十里暖泉二穴湧出四

述鄭益校錄本

時常溫東北流入水磨川

寧夏靈州守禦所西南一百餘里山東滾泉自地湧出高丈許

其沸如湯

寧夏韋州暖泉在鹽池西南

浙江

金華府東陽縣東南四十五里夏山上有池冬溫夏冷

台州府仙居縣東南二十里黃赤湖修廣皆數丈水四時如沸

夏飲寒浸毛骨冬飲則如湯相傳宋時嘗有龍出沒云

桐廬縣北十五里神泉冬溫夏涼病者飲之或瘥祈禱多應

江西

南昌府寧州西黃龍山下冷暖二泉同出相去數尺



奉新縣九仙山湯泉湧出道間一溫一沸  
南康府建昌縣西八十里湯泉愈瘡疾

廬山主簿山在胡郎廟南數里山下有溫泉穴口圍一丈湧出  
如湯沸冬日恒熱

建昌府新城縣東四十里有硫黃氣浴之愈瘡疥

撫州府臨川縣城西三十里溫泉中有伏石分為二流其陰水  
差寒其陽水常沸

吉安府龍泉縣湯泉凡三一縣西百里一新田院側一朱砂礮  
下

袁州府宜春縣城南三十里有溫泉之有魚投以生卵即熟  
贛州府溫泉凡九在信豐者一在寧都者二在安遠龍南者三

述鄭益校錄本

皆溫如湯而寧都尤熱

九江府德安縣三十里廬山下湯泉石池五南一池極熱手不  
可探北四池稍溫浴之有硫黃氣

### 湖廣

武昌府蒲圻縣南五里湯泉冬夏常沸

襄陽府光化縣南五里溫水河舊有一泉其水溫暖今河尚存  
房縣東湯泉中有硃砂

德安府應城縣北六十里京山有溫泉淵靜如鑑聞人聲則湯  
奮發其熱可燔雞又應城西五十里玉女泉其泉熱沸

隋州城西百二十里大洪山西北有暖水

蘄州城北百四十里泉沸如湯有硫黃氣



兵州府平江縣北九十里幕阜山有溫泉三穴

長沙府攸縣東六十里溫水泉冬溫夏涼又縣東百二十里有暖水石泉宜冬浴

衡州府萊陽縣平陽五都有二泉其水春夏溫和冬滾沸

永州府零陵縣溫泉

常德府桃源縣西北百二十里湯泉常沸又有冰泉人曰陰泉

柳州興寧縣東北五十里石牛山其巔有雁池冬月溫燠雁嘗食息其中柳州城北二十里平地泉湧出如湯沐之愈疾

桂陽縣北三十里白芒溫泉冒風者浴之多愈

宜章縣東二十里溫泉池又縣西六十里有桃花湯其水冬夏常暖

述鄭益校錄本

四川

成都府新都縣溫泉冬月未至數里遙見白氣如烟

順慶府儀隴縣火井天寒焰從地出

叙州府富順縣火井

重慶府城西南百六十里溫湯峽泉自懸崖而下湧出四時騰沸如湯

合州東五里溫泉

夔州府開縣三潮溪冬熱夏涼又縣南溫井冬夏常溫

潼川府蓬溪縣西二百里官館鎮之北伏龍山下火井地窪若池以火引之有聲隱隱發地中少頃炎熾夏月積雨停水則焰從水上水為之沸而寒如故冬月水涸則土上有焰觀者至焚



其衣裾也又邛縣西八十里火井博物記云井深二三丈以竹木投取火後人投燭井中火即滅絕不復燃

東川軍民府西南三十五里湯池水出石竇中熱如沸湯清徹如鑑

四川行都指揮使司溫泉二曰寧番衛城東百四十里曰越雋衛城東二十里四時溫暖可愈疾 都司北七十里熱水池四時常熱流入溪河合瀘水接金沙江

### 福建

福州府城東崇賢里湯泉味甘而性和熱甚硫黃氣謝肇浙五雜俎云吾郡城內外溫泉共十五處

汀州府城東四十里湯泉

述鄭益校錄本

興化府莆田縣城西南大溪中湯泉有三穴如井熱甚漢時胡道人棄丹於地水遂溫浴之多壽以上見一統志而莆田又錦江西桃源溫湯池又上杭橋西北岸溫泉潮退可浴餘縣搜附於後

南安縣城山溫泉有四三熱一溫

德化縣湯泉二一在湯邊一在登瀛橋北

安溪縣湯泉六 永春縣湯泉二一在湯一在登瀛橋北

大田縣湯坑湯熱可浴

沙縣熱水池其水夏冷冬溫

永安縣湯池六熱水口苦竹村池仕洋湯池溫湯池龍峰湯池上杭縣溫泉二小拔湯



長汀縣南何田市湯泉周數十丈熱能熟生名無垢泉又一在縣南安仁院石竇湧出可溉田

清縣流溫泉三池溪嵩口北原可以熟卵

連城縣溫泉

永定縣湯泉三大洲湯泉出地中下洋湯泉出石壁李田湯泉熱能熟物旁有溫泉可以和之

龍溪縣溫泉舊西城址下

漳浦縣梁山南北兩麓各有溫泉

龍岩縣溫泉在塗潭社四時可浴一在小溪社熱氣尤甚

南靖縣溫泉四永豐里二歸德里一清寧里一

長泰縣湯泉二

述鄭益校錄本

平和縣溫泉二清寧里新安里

寧洋縣湯池

廣東

德州府清遠縣東九十里湯泉有石如泉錢出泉熱可熟物

韶州府城東南五十里湯泉能熟生物每霜雪時泉氣上蒸赤

魚時見人不能獲又曲江縣西北四十里泉有三穴四時沸涌

可以芘烹又樂昌縣東北四十里溫泉冬夏常溫愈疾又乳源

縣西北二里石穴中溫泉又靈君山周山巔溫泉二

瓊州府感恩縣北七里溫泉夏冷冬沸能愈風疥瘡疾

高州府溫泉三曰府城北一百七十里曰信宜縣治南曰石城

縣北五十五里



廣西

柳州府來賓縣西北一百里獲泉冬溫夏涼

象州東三十里溫湯泉其水常熱可熟物

萬州城西溫泉

雲南

雲南府安寧州北十里湯池雲南溫泉非一此為甲色碧如玉可鑑

臨安府治溫泉每春莫郡人浴三日謂祛時疫又西北四十五

里及建水石屏阿迷三州通海河西嶧峨蒙自四縣俱有之

鶴慶府城東南溫泉每歲三月浴之愈瘡

麗江軍民府通安州阿失村有溫泉

述鄭益校錄本

廣西府彌勒州西十里阿欲部山下溫泉

蒙化府城南甸尾山下溫泉相傳蒙納奴邏母病浴之愈

尋甸軍民府南五十里溫泉俗呼熱水塘

沅江軍民府城西北十五里溫玉泉石間迸出如湯

北勝州溫泉二曰州城枯木村曰州南沙田村

馬龍他即甸長官司北五十里徹崇山溫泉其熱如湯

金齒軍民指揮使司城東二十里哀牢山下有石狀如鼻二泉

出焉一溫一涼曰玉泉又城西二十里虎障山下溫泉

隴州宣撫司溫泉從石罅出為河熱甚

貴州

貴州普安州溫泉有二一在城東南八十里一在樂民千戶所



西水溫可浴

水異名

芮水屋也芮之言內也水之內曰隕水之外曰鞠韓詩芮隕之即隕與鞠同九臯九折之澤也水隙曰澗陳重甌也水之夷上洒下似之許氏曰岸上面平夷而其下為水洗蕩蓄入之也水中高地曰抵水草交曰麋水會曰淥一曰水外高有瘞埋之象

述鄭公校錄本

棗林雜俎中集

監官談遷孺木著

營建

山陵

孝陵應天府朝陽門外鍾山 懿文太子祔葬於側世稱東陵孝陵後有小阜曰大山萬曆間金壇于玉立欲治墓以科臣論止空其穴後誠意伯劉孔昭墓其父蓋臣

孝陵享殿 太祖高皇帝孝慈高皇后左淑妃李氏 妃

氏 皇貴妃孫氏皇貴人 氏皇美人 氏右碩妃生成祖文

皇帝孝陵道中觀音閣後壁瑪瑙石高丈餘衛大有 尺光潤如玉出青龍山永樂間採置



長陵昌平州城北天壽山自紅門進御道凡二十餘里舊名東祚子山永樂七年卜建賜曰天壽世傳燕山竇后舊居無柩千峰萬壑交鎖周密峩森翠後視高山數十重來跌斷明堂平澗羅城諸小阜尤密匝祔墓十六妃

獻陵在長陵右祔墓四妃

景陵在長陵左祔墓七妃

裕陵去昌平二十五里獻陵之西祔墓十八妃

茂陵去昌平二十七里裕陵西北祔墓十四妃

泰陵在茂陵西無妃祔

康陵去昌平三十五里泰陵之西九龍池環其前松園繞其左永陵去昌平十八里長陵之東南規制巍敞如長陵而巧麗過

述鄭益校錄本

之俱襄陽白石兵部員郎餘姚駱用卿所擇祔墓妃三十嬪二十六

昭陵

定陵在陵大峪嶺徐尚書學謨議擇時通政叅議梁子琦等難之為輔臣申時行王錫爵等所斥崇禎初尚書姚思仁督理多朽石寧無罪地脉哉吾寧陳與郊以給事中巡工言壽宮五室中三間待馭四隅維以鉄索各大銅缸注油左右室通門待中宮及嗣帝所生母升祔神廟閱壽宮自坐石室飲酒

廣陵

德陵石橋高不五尺長不五丈砌石無甚費而耗二十餘萬金享殿寶城尤不貲且陵地窄甚僅當兩山之脉在永陵在沙相



距不百步也蔣德璟云

德陵窆日石梁中断諸臣亟培土不敢以聞諸陵明有碑題

宗 皇帝之陵後恩門內有碑俱無字閉以木柵

思陵在紅門西三里與諸陵隔河諸陵俱河北 思陵獨河南

即故皇貴妃田氏園也

### 候氣室

順天府治有候氣室每立春先期五日奏遣欽天監習占候者二人往設琯實灰如舊法占畢還奏

### 槐廳

全州蔣相國冕治第南門外巨槐一日槐廳

### 明德堂

述鄭益校錄本

天下泮宮俱明倫堂獨應天府學明德堂以宋文天祥手書故

### 梅熟堂

鄞縣東北三十里大梅山護聖寺漢梅子真舊隱也寺有梅熟堂先是梅甚巨稱為梅龍孫權伐而三之一會稽禹廟梅梁張僧繇所画龍飛去者有梅核半可容粟一斗正德間盜失

### 六老堂

南康六老堂因五老峯祀宋守朱元晦曰六老

### 來玉堂

王元美弇山園中堂成遠汪伯玉至名曰來玉董玄宰倣之樓成適陳仲醇至曰來仲

### 晾鷹臺



南海子方百六十里殿旁瞭鷹臺臨三海子渡以七十二橋  
銅雀臺

曹瞞臺於鄴水與西門豹祠相近今水中隱隱三臺址蓋銅雀  
金鳳玉井云二臺沉一臺址稍高

### 厄臺

陳州厄臺孔子絕糧處崇禎時流寇佯賚諸生其上圍斬也又  
一厄也

### 主人臺

潁州東二里岳廟前元末每旦彩雲騰覆明興太祖嘗幕其  
上天下大定雲散土人呼主人臺潁州志

### 鶴臺

述鄭公校錄本

崇禎甲戌湖廣松滋縣得石碣晉羊叔子所書鶴臺二字

### 摩旗臺

全椒縣西北四十里宋將焦光贊結寨於焦山上營壘皆石砌  
高數尺圍可六里許東有搖旗北有摩旗臺嘗出甲葉鉄鏃  
之類石窖中米麥至今猶不腐全椒縣志

### 梳粧臺

皇城北苑中有廣寒殿相傳遼蕭后梳粧樓成祖定鼎北京  
弗毀以垂鑒戒萬曆七年五月四日樓傾梁上金錢一百二十  
文云至元通寶則樓建於元初非遼時物矣張居正禠著

### 六相樓

四川達縣本宕渠故地洪武庚辰進士柳州曹嗣宗丞達縣修



六相樓祀唐李嶠劉晏元稹李適之韓滉宋張商英嗣宗終廣東按察僉事

瑞光樓

鄞縣南二十里樸社元末永嘉高則誠明避亂寓於沈氏樓作琵琶記夜按拍而歌蠟炬二枝相隔光忽交合遂名瑞光樓遺址存

四雨樓

姑蘓廣福山周天球治園有四雨樓桃梨海棠各栽一面謂海棠濕透胭脂雨梨花一枝春帶雨桃花亂落如紅雨其右臨水對山曰珠簾暮捲西山雨

朝天宮

述鄭公校錄本

南京朝天宮古冶城也後殿黃垣據高垣之上太祖常更衣於此俗傳墓其下非

鉄柱宮

南昌鉄柱宮東南隅方丈甃池作石欄鉄柱微露乃石耳非鉄也陸儼山豫章漫抄

雙魚宮

錢塘洪侍郎瞻祖游江西玉皇山寺見石盆中金魚八枚游泳必雙異而問僧謂僅四頭因登席聳視果然平視又如前僧曰此名雙魚宮乃旌陽真人所遺仙蹟遊覽志失載

白塔

四川白塔初來安縣北六十里白塔寺路通盱眙有磚塔一座



雷擊折其末三層在泗州境伏虎山今存半塔創始雷擊俱不知其何年月

### 鎮河塔

涿州桑乾河中有塔名鎮河塔嘉靖元年塔崩內有古錢皆飛空如蝶自後河水不時泛溢

涿州志

### 應州木塔

應州佛宮寺木塔四層六簷八角高三十六丈遼清寧三年田和尚奉勅募建塔後殿九間通一酸茨梁洪武元年四月初日八日塔頂佛燈連明三夜 文皇帝北征幸其上題峻極神功後 武廟巡應州題天下奇觀

應州志

按佛法佛菩薩塔高十三層辟支塔應十一層阿羅漢四層

述鄭公校錄本

餘隨品級減之此八種塔並有露盤佛塔八重菩薩七重辟支六重四果五重三果四重二果三重初果二重輪王一重凡僧但焦葉火珠而已後世建塔不原佛制聖凡相濫紕繆至多

### 虞仲

太伯遜荆蛮自號勾吳從歸百餘家立為吳太伯太伯卒無子仲雍立是為仲雍傳三世至周章武王克殷大封同姓封周章于吳封其弟虞仲于周之北故夏墟列為流侯是為虞司馬貞曰夏墟在河東太陽縣據志書平陸即古太陽縣至唐開元始更今名其廟為太伯明矣或者謂太伯仲雍以次而傳至周章是為南之吳虞仲始受周封於夏墟是為北之虞然則虞祖虞



仲曷以廟太伯哉曰不然武王大封同姓周公於魯召公於燕  
叔鮮於管叔度於蔡及神明之後封止一國一祖而受二封者  
唯於太伯見也武王之意以荆蛮吳夷其禮鄙俚不足事太伯  
而報其德再封於虞得處先聖王之舊邦且迓中畿之地得用  
中國之典禮其於太伯之德庶幾乎報矣

初明初夏縣王翰平  
縣陸縣太伯廟記

### 姒女祠

平定州東九十里承天鎮俗傳姒女介之推妹也舊經云介山  
氏之廟唐武后幸河東道出祠下懼致風雨欲開道以避之狄  
仁傑曰一人行幸風伯清塵雨師洒道何姒女之避遂止其役  
駐蹕祠下風停雨息

### 孟母故宅

述鄭公校錄本

榆次縣古城西南隅蓋孟子鄒人其母并人也其地有三徙鄉

### 藺交

榆次縣東南四十里相傳藺相如所居故里當秋深地無霜五  
穀登行人異之

### 姜女手跡

曲沃縣西南三十里侯馬鎮南河西堰中世傳姜女托堰哭夫  
手印于堰至今土雖屢傾遺跡猶存

### 殘苦廟

介之推從重耳出亡追者甚急之推以其子林代死重耳入晉  
之推妻及林妻尋推聞焚死於綿山俱投井死鄉人即其地立  
廟祀之曰殘苦廟在曲沃西閨外



瓜子纏

翼城縣東南五十里北陽坂下曰瓜子纏相傳老人食瓜處子落皆成石瓜子其形宛然

大禹廟

龍門大禹廟俗傳石豕肉諸廟必風壁畫精工與岐山周公廟壁畫並稱

秦伯廟

平陸縣秦伯廟

南岳廟

衡州南岳廟古松百餘株銅香鼎甚巨不可圍抱銅鐘重九千斤有大祭則鐘聲先振

述鄭公校錄本

御題祠山廟

廣德州北五里橫山張真君廟 明初高皇帝南征過之題曰天下英靈第一山白雲為闕石為闕將軍幸得來瞻此暫解干戈動笑顏

江神廟

湖廣魚鎮江神廟有神木江夏賀相國逢聖歸楚木出于江蒼古挺拔鎖以鉄索

白起廟

武安縣西閔白起廟正統間縣丞李昇以起殺降扶詐遂毀其廟  
長平驛

山西高平縣古長平也耕人常得遺鏃如綠玉長平驛即元平



章賈魯宅堂三楹梁柱俱桑木甚巨賈氏裔猶存

煖鋪

都御史葉成巡撫宣府於沿邊孔道設煖鋪即唐人邊鋪也

鉄柱

雲南大理府趙州東南九十里白崖城蒙氏建極十三年四月  
鑄鉄柱名曰建極又鑄笠覆於頂土人號天尊柱歲貼金其上  
祭之邀福

與言書院

去陳州百里四互鄉介項城上蔡間今更曰潔已鄉立與言書院

冰廠

蘓州冰廠十有六清人始至問廠何為曰藏冰者謂伏兵也焚

述鄭公校錄本

其五始晤

魚骨橋

海門縣禮安鄉以大魚骨作橋長六丈八尺有奇元至正中潰  
入江萬曆戊戌隨沙漲起呂四場民獲之廖令 移建儒學前  
色黝黑有鉄釘痕毫無朽蠹 楊州府志

廣濟橋

潮州廣濟橋宣德間知府王源建歲權稅萬餘金

皇過此橋

崇禎德縣皇過此橋以宋高宗南渡過此故名見縣志萬曆橋  
北沈望雲伐竹得磚墓石刻宋寧宗姑墓駙馬黃氏監官人始  
知為皇姑子橋



倒流橋

當陽縣北漳水上倒流橋相傳曹搃追劉先主張飛據橋大呼水為逆流魏人不敢迫承天府志

萬安橋

泉州萬安橋俗呼洛陽橋長三百六十丈萬曆丹陽姜志禮守泉州修萬安橋得石刻曰同節來修即公號也又勤縣蔡錫永樂癸卯鄉試入曹監仁廟以學行授兵科給事中出守泉州欲修萬安橋發石刊曰石頭若開蔡公再來檄海神遣醉卒自投於海若有神擊之者俄易書一醋字必八月二十一日酉時也事載錫家傳中今廟像免服行人過焚草履一輛福州臺江大橋長百餘丈

述鄭益校錄本

仙橋

雲南白崖川獨木橋十餘所木大如指長三尺或五六尺巖險不敢着足樵人捷足過之亦不損折其木非常見之材每望夜一易不知其因明日但見新製曰仙橋

楹帖

直也如弦縱道邊夫復何憾此而得歎雖丘陵亦奚以為顧清靜亦靜動亦靜五臟克消夫慾火榮亦忍辱亦忍平生不履于危机翟奎

徒有廿丹於帝闕竟無尺素達權門翟鵬

堂上獲親壽朝中一品家嚴訥

無毀無譽三代直道而行知止知足四時成功者退申時行



財不求贏敢為子孫益過位嘗踰分當思齒角難兼陸光祿  
節義重丘山始不渝終不渝功名赴流水寵不驚辱不驚嘉靖  
三十二年沈丘教諭山陰符鵬

世多君子扶皇極天放閑人養太和鄭伸

偶爾謝上天富貴歸來作平地神仙中丞王璣

頭上青天一點浮雲淨盡庭前白日五更夜氣流行訓導楊傳芳子起元

天無私地無私日月無私風不出雨不出寒暑不出沈思孝

得意常自笑無音使誰知鄧以讚

凡事再思斯可矣與人三反何難焉都諫武安宋之韓

洋水樂飢讀天下書不談天下之事康莊擊壤生聖人世願為

聖人之氓朱鴻謨

述鄭公校錄本

出入起居得罪天地時十常八九子臣弟友可對聖賢處百無

二三吳先生寓梅日乘

見故人而一笑自有餘懽念生平之百為亦無可恨李廷机

居深山之中隨俗所使生聖人之世與天者游鄒元標

少作書生未見升堂入室老為廟祝粗知掃地焚香李贄

養其氣以剛大尊所聞而高明李騰

天上圖書分冊府雲中雞犬半仙家王思任

試看塔前皆樹玉莫嫌腰下未橫金

誤攻文字身空老起販魚鹽計已遲陳元素

人前屋漏日裏鷄鳴

每思于物有濟恒愧為人所容陳龍正



自拋官後睡嘗足不讀書來老更閑祝以幽  
質在能還雅菴成可讀書先存一府君

鐵牛碑

濟南府儒學內有碑高三尺刻曰鐵牛碑旁地露鉄錐不五  
寸就側四掘終如故或曰鉄牛鎮七十二泉者

宋文貞公碑

沙河縣宋文貞公碑碑斷沒土中正德丁丑縣令方思道冶鉄二  
百斤貫而續之今存不甚剝蝕

毛文龍碑

平遼總兵官左軍都督同知毛公功德碑天啟四年七月朝鮮  
立奮忠贊謨立紀明倫靖社功臣輔國榮祿大夫兼議政府左

述鄭鈺校錄本

贊成判義禁府知書筵春秋館成均館事弘文館大提舉執文  
館大提舉金饗饌通政大夫行曹叅議李瀟書崇政大夫行兵  
曹判書兼同知成均館事金尚容篆嘉議大夫平安道觀察使  
兼兵馬水軍節度使平壤府君尹巡察司李尚奇立石碑文不載

銘曰噫噫往歲羯虜造聳我清邊鯨吞豕突急莫之遏堞壘  
土無堅全遼右壤獮薙槍壞廠墟糴公時憤切忠胆激烈齧牙  
張拳獨立一叫揭義為號趨者爭先曷投曷倚俾賊頽忌以掣  
以宰謂我共濟克協大計鷓首東偏獲醜復鎮軍聲始振天討  
行焉出入遼瀋形格勢禁罔或恣前恟疑縮頭不敢西逞閑防  
賴全瞻彼極島洪濤森熒處得其便洋津妥帖履坦不跲就竟  
如天激以忠義其歸如市累々連々曰公父母開口望哺餘喘



其綿匪公是任吾其左袵長城屹然得人死力功章寵錫褒詔  
頻宣神旗豹尾以隆閭寄節制其專大業未了概見其效四海  
望延吾言不失有特史筆有賁凌烟擬實載石先最其績其  
其時

興安縣岑山右魚峰之仙岩寺有創修木碑係天順七年其聲  
樸樸如木琴其文斑剝斷連亦如古銅琴文錢塘黃汝亨貞父  
云目中所未見

### 定霸城

保定有定霸城宋楊延朗所築金時以其磚他用獨其土存嘉  
靖中霖雨潰其西北得人骨數十具植立土中髑髏各戴兜鍪  
旁侍兵仗石刻云活築惰工百戶徐瑾一行兵役見者竦然

長述鄭益校錄本

安客話

### 軒轅陵

平陽太平縣東三十里上魯村東汾河內有石棺以鉄束之隱  
現不同世傳以為軒轅棺云

### 顓頊塚

晉初烏程得顓頊塚又衡山崩見顓頊塚中有營丘圖九首鳩  
杖見顓頊真卿石柱記 濮州東北相傳顓頊建都於此有帝塚  
故名

### 鯀墓

郟城縣東北七十里羽山即殛鯀處有墓

### 禹陵



會稽城南數里禹陵窆石高可六尺形如權堅栗色青而澤有白脉隱起甚細如絲絡偶撼之則動而不可拔也今戊子夏毀於盜三千年神蹟頓失其重聞者惋惜

### 唐堯土階

唐堯土階故里在臨汾縣南十里帝姓伊祁氏故里名伊村村築土堡宛然茅茨土階之蹟唐堯氏陵在臨汾縣城東七十里部行里俗謂之神林人謂之神陵高百五十尺廣二百餘步旁皆山石惟此地為平土深丈餘山後有河一道俗呼陶唐飲馬泉有金太和二年碑記相傳唐太宗征遼曾駐蹕此山因謁堯陵遂塑已像明嘉靖間知縣趙統重修陵東原祀丹朱西祀唐太宗統撒太宗像每歲祭丹朱祔享并堯諸臣之上竊嘗考舜

述鄭公校錄本

巡狩於湘其陵在九嶷禹會諸侯于塗山其陵在會稽惟堯之巡狩不見經傳此陵為堯陵相傳自古無疑也然明初詔下訪歷代帝王陵墓山東東平州有以堯陵聞者至今載之祀典而在臨汾反遺何也豈昔之搜訪未至耶抑詔下之日而臨汾尚屬元耶

邢雲鷺臨汾

堯年十五封唐侯二十登帝位壽百十有八歲 帝王世紀云堯葬濟陽城西北是為穀林呂氏春秋曰堯葬穀林皇甫謐曰穀林即陽城堯都平陽於詩為唐國由此觀之城陽即今之平陽也濟水出王屋山在平陽東南今之城陽晉尚屬平陽郡雖去平陽郡百餘里而臨汾東亢村所出有灃泉至今相傳通濟濟茲言夫豈無據况濟多穴地伏流千載而上陵谷代遷焉知



堯之時臨汾非源耶今堯陵在臨汾東南視王屋山實合古之城陽西北古曰穀林而今堯陵俗名為神林尤一驗也後人乃謂山東東平州濟水在焉而遂以堯林名耶

### 閔龍逢塚

安邑東北三里有雙丘相傳夏大夫閔龍逢塚土人云閔雲長其後裔云

### 齊桓公墓

崇德蔡新令臨淄縣夢貴人緋服傳駒而至揖曰公行去邑當以東壁遺金贈公晨起解舍東廡圯坎其地增岨中空如下天狀掘石板曰齊桓公墓規制深廣石室若王者之居屍色如生器具皆黃金旁金山銀山各一蔡取其山燈缸將滅為添油加築

述鄭公校錄本

不三月罷官崇德縣志按史記桓公屍虫出於戶安得云屍色如生也其厚墓或有之

### 衛靈公墓

相傳衛輝府治後衛靈公墓古有紫金碑雷轟之又觀城縣東南四十二里高宛縣東北二十五里亦有墓

### 雙娥堆

蘇州承天寺門外雙娥堆為吳王夫差愛姬從孫武子學兵法為隊長笑而見殺此其墓也東北小池衛不過二丈長不過五丈乃錦帆徑故水偽吳張士誠所浴

### 李牧墓

平陽太平縣西五里孝子村趙將李牧墓其子李廬于墓側稱



子墓

陳仲子墓

長清於陵仲子墓張令文龍命徹孔廟大羹一盂及棗栗享之  
長清縣志

介林墓

介之推子林墓曲沃縣南三里河底村

王剪墓

王剪墓富平東四十里每六月朔望墓若海市狀城郭依然車

馬交錯 關中塚墓記

鄭玄墓

臨晉縣 三十里至今荆棘不生狐狸不穴

述鄭公校錄本

青塚

荆門州青塚土人哀昭君招魂而葬因名實在大同城西北五  
百里古豐州灘西六十里

孫嵩墓

安丘縣南四十里孫嵩墓元人于欽作齊乘寓宿太虛宮夢趙  
先生入謁曰聞君修齊志僕有良友葬安丘其人節義高天今  
世所無也請載之以勵衰俗欽覺而語梅仲昇以為鄉人趙伯  
善共訪之伯善愕然及閱趙岐傳始悟為孫賓石也 齊乘

嚴子陵墓

尉氏縣東二十里蔡堡有嚴子陵墓

司馬遷墓



韓城縣南二十里芝水之南西麓有漢太史令司馬子長之墓  
墓有古柏墓土常開土人以柏根懸其棺因磚封焉子長自叙  
云五世皆葬高門今去芝水數里又西北五里姚莊村有蔣武  
墓墓柏俱南向

### 高陵

蘓州盤門外三里武烈皇帝所葬孫堅曰高陵妻吳夫人子長  
沙桓王策皆附焉元至正二十三年崑山盧熊公武與同郡沈  
徵君伯熙父訪之徵君因言予向曾過此聞父老言地屬沙湖  
金氏墓上有木如虬龍然每陰雨若見物掠舟蕩漾之狀人或  
逐之不見尋伐樹掘地得金船長二尺許其怪遂息

### 黃耳塚

述鄭公校錄本

松江府治南七里普寧尼寺有晉陸机黃耳塚機入洛有快犬  
為傳家問後死人義之埋此今殿西土隅有土隆起古木盤覆  
即其處也 明袁海叟詩豢養有恩終不背交遊何事獨相欺

### 郭璞墓

唐乾符間衢州刺史季毅置砦龍山得二石長六尺許取置文  
會閣前宋淳化間郡守慎知禮移植于此積土為峰歲久遂訛  
傳為郭璞墓璞言五百年後太守為吾守墓紹聖中郡守孫賁  
知非璞墓發之得二石移置堂中宣和郡守高至臨復移歸故  
處相傳峨眉正對府治不利於郡故置此石以壓之因培土  
為峯而名以小峩眉云 田藝衡傳

### 太康瓦券



萬曆元年會稽倪光簡塚地中掘得杯及瓦券券曰大男楊紹  
從土中公買塚地一丘東極闕澤西及黃滕南極山背北極于  
湖直錢四百萬即日交畢日月為証四時為伍太康元年九月  
廿六日對共破剪民有私約如律令 玉茗堂集 按今墓例買土  
立券古人已然矣

### 張賓墓

內丘縣南十三里趙張賓墓周圍皆鉄高三丈餘廣十餘畝石  
勒厚塋以報賓也

### 李太白墓

當塗李太白墓有祠葺如筆竹葉皆有金星

### 寶峰寺古墓

述鄭益校錄本

弘治癸丑春泰和羅霍子應試讀書城南寶峰寺見司礼少監  
胡善治掘墳寺後山得古墓有墓志僅元和四年數字明白棺  
槨俱無惟脛骨尚存其長過今人十三古人多長大者後世氣  
薄故生物短小

### 南漢劉氏塚

廣州城東北亭洲有土穴耕人梁臺過之投石空空作聲乃納  
以雄鷄夜鳴知無恙於是發之數金人各重十五六斤正處金  
像二冕坐若帝后各六五十斤地若金蚕珠貝築之鏡一光照  
白日硯一硯池玉魚游動他珍异亡筭先携鏡歸光動隣舍急  
碎之鄰人覺而爭往遂聞官盡搜盡之內棺掘毀稍存齒骨墓  
碑隱隱可讀南漢劉氏塚也 陳子壯練要堂集



瀧陵阡

吉安永豐縣有瀧陵阡即歐陽公墓祖父處國朝間忽失處落廣信永豐縣人怪之後又還吉安永豐縣時有謠曰吉永豐移廣永豐永豐二字適相同人民城郭依然是只少當年六一公

蘇文忠墓

却縣蘇文忠文定二公墓文忠卒常州嘗爰却之山移墓以後文定卒亦葬焉明萬曆甲申有盜發之縣令濟南張篤行加封樹焉去墓半里有廢塚石半露按之則文忠之曾孫婦亦掩之俄夢文忠青衣致謝問文忠公何在曰臨汝至彼可相見也後篤行以事至臨汝會得先生墨蹟一卷大异之恍悟前夢石

述鄭公校錄本

識其事

却縣志

蘇穎濱先生子遲守婺州爰其山水因家焉葬穎濱衣冠於蘭溪之靈洞山遲子簡侍郎簡子林今其家藏穎濱遺墨及四代告身

琴橋塚

臨安縣玲瓏山琴橋塚殘碣東坡居士書萬曆十七年被發

方臘祖堂

嚴州響山前為獅象石方臘祖墓處後毀其石

鐵棺

奉興縣南華廢寺有鐵棺長九尺二寸前濶後狹相傳宋建炎間薛慶嘗遣其徒撼之中有物相觸鑿然聲以鐵椎擊數百不



損鼓鞞溶之不液乃止

劉刺史墓

義烏縣南東平山有宋平昌刺史劉公墓隆慶戊辰長至日裔孫尚泰重修墓碑掘數尺見墳臺上有碑方尺許刻晦翁卜墓數云天聖戊辰葬此立蔭十八紀出公侯子子孫孫垂不替繩繩武武永無休五百四十一年損十六七歲裔孫修戊辰戊辰新一石重修重修千八秋秘書郎朱熹書刊石呂祖儉為之記記難具載其要云右數八句為卜劉公之墓天聖六年十月三日卜葬東平山先塋之原公諱豪字有閑裔出漢光武封太孫于烏傷國除因家縣治南遂為烏傷人逮晉寧公萬章始為王官唐曰珊者翰林學士南門劉氏非他族比公以文學遷平

述鄭公校錄本

昌刺史致仕曾孫輝嬉同登乾道進士第游東萊晦翁二先生門故晦翁卜其祖墓之蔭有裔衍家昌千載之久乎因識大略而納墳臺上以俟後日之驗云按天聖戊辰年數良是而長至又恰戊辰仍孫劉公仕龍在宋贈武節侯脩墓孫果十六七歲吁數亦奇矣

黃元菴墓

山東陽穀縣景德鎮有黃元菴墓其墓靈異土人患瘡毒挿花于墓祭之即愈

蕉花女墓

長清蕉花女塚女最孝母疾思麥時未登女向麥泣移時麥黃奉母得愈今塚旁麥先稔田畔有御製碑上書孝經

長清縣志



張王墓

福建興化縣丁溪草堰間有張王墓相傳張士誠父墓沿海民灶咸以正月望前聚禱因而彼此稱開勝則一年大利即至死傷毋許告訐近有司嚴禁之稍戢

孫一元墓

孫大初墓上有桂瓢堂墓碑李夢陽撰劉麟書

鄭曉墓

海鹽鄭尚書墓在甸塍山先是尚書執法削籍其墓從庶人禮隆慶初復官贈謚終不改其舊予嘗拜墓下歎先輩真素風也

邵濤古墓

壬辰春海鹽邵濤祝氏宅後有積土坎之得古墓各磚刻曰永

述鄭益校錄本

安六年歲在癸未九月十日造辟日造五官郎中山義尉丹陽楊磚面俱有雷雲紋穴頗深廣左右有羨門予往訪之始徵古製

虛糧塚

新野縣東三里近衛河邊亂塚相連數十傳聞前代屯兵之所曰虛糧



述鄭益校錄本

棗林雜俎 中集

益官談遷孺木著

器用

研

王官谷西山有秦王研研大如碾盤無口下如火底礎春秋秦  
敗晉師于王山谷時所遺者 司馬圖記見呂東野涇野集

潁州東六十里古夷陵也舊志古列國之君丘壘土傳夷陵縣  
掘地得磚作研堅潤 潁州志

俞侍郎士吉奉使得研上篆永樂二年旁書海東瀆礎 說

古鐘磬

太原交城縣西南汾水上金大定中汾東山岸崩得古墓有鼎



十餘鐘磬各數十鼎大者幾三尺凡十有二其中寶物猶存鐘小者僅五寸許大至三尺凡十有二蓋音律之次後世之制以厚薄而必以大小其制度皆周器非秦漢以後所作今器不存而墓址猶在

琴

高陵魏氏唐鄭公之後藏有遺琴後訟失之 呂注野集

禮科公署有書室琴懸壁間係舊物 李樂見聞雜記

正統末藉太監王振玉琴長三尺餘

四明沈嘉則豐對樓詩集云吳仲足携族子德望所藏銅琴示我為賦銅琴篇 九字蓋予平生耳目所未睹也

青銅合髀黃金相軫以白玉排雁行絲彈蜀繭啼鳳凰誰其作

述鄭公校錄本

者古帝王按圖考識題大唐璽文瓊篆鳴玉方玄宗協律精宮  
商豈當在御樂且康伊昔抱至置我牀青天拂匣開錦囊白日  
倏忽相依昂翡翠照燥琉璃光丹砂點漆流星芒纖指觸絃響  
嗶嗶蒼梧飛雲頽不揚見者黯黯頽而長延陵考國推大章喬  
孫寶秘什襲藏明珠大貝俱尋常荒墟對磧經千霜鬼神呵護  
不敢傷天地不得閔厥良復使人世窺虞唐我欲荐之登明堂  
九原誰再起師襄夔孔同室國祚昌皇帝萬歲永無疆

仙針

蒼梧人梁大用遇异人授以鉄針三枚并針灸書遂為名醫永  
樂中郡守羅觀訪其子孫得一針以進於朝

鐵塔鐵鑊



當陽縣玉泉寺鉄塔鉄蘗俱隋物 青州城內 寺三蘗大者受四十石次受三十石有釜受八石似甕而有耳寺原孟嘗君宅

金斧

臨潼縣南一里驪山綿亘而東五十里東有金斧山石罅中有金斧抵之則動取之不出

石杯

青田縣五色石杯工琢造歲應上官不啻千百民甚苦之古人拔茶樹桑以茶且累民况石杯于器無益有一製必貽一害在司牧者念之耳

鐘

述鄭公校錄本

大名府譙樓鐘云魏太武物守潔則聲宏否則咽滯前守惡之棄置通衢且半裂樂護蒞任適早祭而懸之扣之不揚護不憚夢大象誼于鐘所乃再扣之聲宏裂處尋平

正統中河決滎陽東昌水中大鐘二范縣令鄭鐸得其一款識永安四年

曹縣城門四各有鐘相傳鐘懸則大水遂寘之崇禎戊辰四月盧令柱礎不聽盡懸之果大水乃徹 曹縣志

毆陽脩婦田録太常所用王朴編鐘皆不圓而側垂後胡瑗改鑄編鐘遂圓其形而下垂扣之掩翳而不揚今見南京神樂觀編鐘形不甚圓

鼓



鄞縣東向金尚書忠故居石鼓二萬曆乙卯石中如虫啗鼓翻視之石多蝕搜得石蟹一螯足尚動觀者異之

成化初韓袞毅雍南征大藤峽賊斬峽之大藤中空鞞革為鼓置參府前鼓甚震立使某移于行臺扣之無聲歸即如故

### 圓花鐔

崇禎元年四月湖廣通山縣三都水衝衝出古銅鐘重十八斤周製也有圓花鐔三字聲極清遠

### 磨鏡

唐鏡背有字云花發無冬夏臨臺曉夜明見鄭以偉山上山稿

### 辟塵鑪

錢塘縣西山龍井寺辟塵石鑪不知所自來近失去

述鄭坐校錄本

### 張三羊食器

張三羊嘗居潁州迎祥觀遺像一食器一容斗許暑貯肉不腐混元衣一久而如新好事者易其領輒敗別一質古有摩雲態天啟改元

魏元法僧 蕭莊南詔晟豐祐先已用之又太和舊志元至正戊戌紅巾徐壽輝陳友諒陷江西下吉安奉和稱天啟則天啟之號前代已四見矣

### 銅法馬

萬曆間太和人掘地得法馬形如月鑿十字重四斤天啟三年造背鐫吉安路郭尚書子章攷梁王琳立永嘉王蕭莊稱帝改元時不稱吉安亦不稱路路自元始豈天啟間造法馬至元始



續刻吉安路耶

貢金

揚升菴滇略曰語云金生麗水今麗江其地也其江曰金沙源出吐番經鉄橋寶山永寧北勝以遼東川江浙沙泛金麩雜之貧民淘而鍛焉日僅分文售蜀賈轉諸四方其稅屬之土府漢不得有也朝廷歲貢滇賦金五千其直可四分緡皆蜀賈有力者先期受直於官而走四遠哀入之間有逃且死者累及姻族桁楊累之至於黔巫瘴癘十死一生又不具論也

雲南銀礦共六十有三置場委官歲約二萬緡然脉有盛衰課隨盈縮

窖金

述鄭世校錄本

薊州獨樂寺額相傳李太白書萬曆間重脩得窖金上覆以錢石刺唐安祿山物並入官

銅冶

海內銅山四百六十唐鑄于陝宣衢信銅冶九十六宋鑄於諸路銅冶百三十有六歲課至五百四十九萬貫韶州永通一監歲造八千萬貫

紫石

諸暨縣東五十里烏帶山產紫石英嘉靖中縣令黎秀命父老允上官來取者皆引至他所使無得因呈曰合浦之珠以吏貪而徒暨產石英乃自本職到任數採無得此不職之效也採者以息久之遂迷其處

紹興府志



鉄獅

滄州鉄獅周世宗北征契丹駐此地有罪人善冶輸金鑄獅鎮城贖罪高一丈七尺長一丈六尺夜被州人捶去尾腹鉄至今缺之

銅獅

雲南都司公署前大銅獅二極瑩淨無點班

関將軍印

景泰中安州二田夫得古金印曰壽亭侯印知州楊集上於朝南宮集

弘治間都憲河間張汝器

開漕河于揚州得古印四一壽

亭侯印一鎮江府御前住劄都統制印一鄂州筦内觀察使印

述鄭益校錄本

一都巡檢使之印皆蟠螭紐制作古雅程篁墩敏政過淮陰汝

器質之曰韓世忠嘗為鎮江府御前住劄都統制岳飛嘗為筦

内觀察使都巡檢使亦宋官

萬曆末烏程沈相國澶得漢壽亭侯玉印印中空可貫紐下刻

関羽之印玉質蒼古捨西湖孤山廟中嘗見之

宋徽宗崇寧五年倣秦璽虫魚篆作璽方四寸有奇蟠紐方璽

上圓下方名鎮國寶

天啟四年九月四日磁州東八里臨漳縣務本村漳河北岸田

夫邢某見岸崩得玉璽以呈河北道張夢鯨重百二十兩方各

四寸面厚一寸二分蟠紐高一寸八分篆受命于天既壽永昌

是璽與至元所獻不同豈徽宗十四璽之一乎又熊种所獻陝



西奎亦同

木牛

成化二十一年戶部左侍郎隆慶李衍總督陝西邊備兼理荒政發廩賑飢作木牛取牛耕之耒耜易製為五曰坐犁曰推犁曰擗犁曰日肩犁可山耕可水耕可陸畊或用二人多則三人多者自舉少者自合一日可耕畊三四畝作木牛圖布

遺印

永樂間應州掘地得金城縣印應州本漢館陰縣後改名金城縣今儒學舊縣治也

天順七年

得行軍萬戶之印

成化六年蘭陽縣得宣差副總兵之印尚書戶部郎中之印背

述鄭坐校錄本

鐫天興六年行宮禮部造

弘治十六年河南府得銅印三百于壞垣俱元物詔毀之

正德末銅城府得勒金長官司印篆文八畫

嘉靖二十年廣平府推官王堯日督民於清河縣浚城壕得古印六篆可識者二曰都將領印曰達魯花赤之印上之巡撫藏於庫

隆慶三年六月豐潤縣掘得玉田縣稅課使印

萬曆二十八年隆慶州永寧縣人築墻得古印為金左丞完顏綱物綱于元人戰于縉山敗績失之見金史

崇禎甲戌南昌得統軍元帥之印謂太祖物推官李嗣宗以太祖初稱統軍右副元帥見皇明通紀非也予按龍鳳年



丙申三月我克集慶徐達湯和為統軍元帥二公並至南昌必其所遺

戊寅三月十四日滋陽縣浚井得管軍萬戶府銅印旁鐫中書禮部造

龍鳳五年六月又薊州得古印

己卯十一月甲戌固安縣甃井得鎮遠軍節度使銅印背刻宣和四年十一月少府監鑄

### 藤船

南夷船俱縛以藤用松膠和漆塗之永安州歲辦松膠若干

岳交事紀聞

### 空青

述鄭公校錄本

空青是黃石子大如拳諦視之膚理沉沉有青色匠氏以金剛錐錐之滴翠水如漿平湖沈長水太史見之

### 荒銀

南夷中多用荒銀

### 琥珀

萬曆甲午詔雲南布政司取琥珀二百斤一時騷然永昌府帑舊貯二十餘斤以上供搜括數年竟不能克而止民破家亡竿

### 祖母綠

孕婦吞祖母綠易產仍出自兒手山陰白洋朱氏驗之

### 青鳳子

青鳳子狀如鵝石色甚青瑩婦人佩之能令好顏色新安楊不



棄得之水濱中易以千金內為禁中寶重

蓬萊閣石鏡

登州蓬萊閣石鏡遇形畢照崇禎壬申孔有德兵亂經火稍晦  
近聞復明

緬鈴

緬鈴相傳鵬精也鵬性淫毒一出諸牝悉避去過蠻婦輒啄而  
來合土人束草衣絳衣簪花其上鵬翔之不置精溢水上採之  
裹以重金大僅如豆嵌之於勢以御婦人得氣愈勁然夷不外  
售夷取之始得滇人偽者以作蒺藜形裹而搖之六躍但彼不  
搖自鳴耳 滇程記

述鄭公校錄本

棗林雜俎 中集

鹽官談遷孺木著

榮植

古木

通都交區巨材連抱匠石積斲其下十不壽一谿谷昧深壠坻  
吳阮木雖專其年民無得而稱焉亦未始幸也今採之往牒據  
其見存者或病以一漏萬固所不免矣

北京

京師皇城内西苑之高玄殿古檜一松四並金時植嘉靖中封  
松指揮使其俸米專飯孤貧

皇城西顯靈官之靈官祠古柏二雷披一枝折而不殊二百年



蔥蔥焉國子監古松並元許衡植

京師外城天壇拗榆錢凡榆春錢天壇榆之錢以秋

山川壇偃松以風拔橫枝距地不三尺楮以木人通行其下

內城成國公朱氏園右堂古槐云四五百年物身大于屋半間

頂峩峩若山

極樂寺剔牙松數株班剝若鱗大可七八圍

萬壽字松高數丈大合抱

外城大慈仁寺報國寺姓松二其右尤奇幹數尺枝橫數丈

外城左安門外韋公寺西府海棠二樹高二尋游人最盛寺

南觀音閣蘋婆一枝高五六丈花時鮮冶

京城西北十里靈通觀古柏一經大十圍

述鄭益校錄本

京城外二十里承恩寺戒壇松二古穆天矯過報國寺

大功德寺古木數十章半朽腐大可七八圍

石經山石壁古柏一長尺有咫根無寸土萬曆初上過之御

書靈根古柏

盧師山清涼寺隋仁壽中盧師自江南來居崖下崖上一柏產

石面長尺不凋榮是盧手植

西山妙高峰下法雲寺銀杏二大數十圍

香山鮑家寺有松十株皆數百圍

壽安山臥佛寺古娑羅樹二根畫出累癭露筋右抱三人有餘

仰山隆恩寺松一

潭柘山京城西北八十里潭柘寺諺曰先有潭柘後有幽州則



潭柘最古矣今枯柘長不能丈其枝晚發後凋者也柘枯而  
昌平州天壽山古槐相傳竇禹鈞家物樹中枵可布三四席今  
稱竇家槐按禹鈞周之諫議大夫也故居在薊州城東而此槐  
係之竇氏莊或其餘裔耶

薊州西北盤山東厓古松一

平谷城東延祥觀柏不知所自始元至正丁亥真人丘長春至  
盤山過觀中見枯柏曰憐惜憐惜去後柏仍葉茂至今焉觀東  
北十五里漁子山世傳軒轅氏陵或曰軒轅臺

房山縣北馬鞍山松二其枝覆十餘丈

涿州西南十五里樓桑村漢昭烈帝故居道右大桑高十丈層  
蔭如樓其蔭百畝其椹為珍餽側桑側古廟唐乾寧五年立並

述鄭益校錄本

立閔羽張飛像先主王者服張飛亦涿人城西五里有張氏洗  
馬潭樓桑村南三里酈亭酈道元故居也

靈椿寺椿其影每日中天雖日月東西略不移動

文安縣城東靈集寺後古檜並峙云漢人所植

保定縣柏塘有古柏數圍倒植河中如槁旅渡迄今名柏木橋  
任丘縣北三十五里莫州城又東北三里扁鵲墓有古樹數株  
寧津縣北三十里曹氏莊藥王廟前大麻子樹不知植于何時  
嘉靖七年民居民伐樹掘地下得石刻云迤南大麻子斬廉劄  
劄廉頗子也樹自戰國時已有之矣

行唐縣西北三十里五里柏山古柏大數十圍柏上鉄環相傳竇  
建德椽以繫馬者



鷄澤縣儒學一槐有兩枝末合為一幹或以為連理

清河縣龍王廟左右古槐枝幹曲卷下垂至地若龍爪狀人謂之龍爪樹宋太祖嘗避暑其下解衣覆上其性遂下生有惡少輩利其財而伐之斧斤方加而疾作遂止傷痕赤津津淋後斬生根葉繼生成樹無復龍形矣今堂與樹尚存

開州

古桑園可十丈云三代物

陽和衛有武宗手植堯

遼東廣寧衛醫巫閭山有北鎮廟柏甚古

萬全都指揮使司龍門衛城西十里大松山有古松永樂中駐趾其下

南京

述鄭公校錄本

皇城西華門外舊丞相府有五穀樹一株兼五種為五種穀豐歉之徵其年麥熟則樹發麥芽黍熟則生黍葉五穀皆然

魏國公徐氏西園括子松元時物

永慶寺即鉄塔寺古梅唐時物

鍾山西徐達墓有松一旁結大毬如瓜最奇絕

石灰山百法寺法堂前有奇樹

弘濟寺府東北四十五里婆羅樹二永樂中太監鄭和携自

海外

牛首山弘覺寺文杏一唐懶融大師手植圍可二丈經火猶活

山東北鄭太監墓紅荳樹

祈澤山祈澤寺攝山棲霞寺各文杏二六朝時物俱數人合抱  
溧水縣東南三十三里仙杏山其巔有杏林及仙人跡



句容縣茅山有許旌陽手植檜

蘇州閭門外三里半塘寺銀杏大五抱新安潘之恒曰龍樹陽山晋栢一幹如龍鱗大四圍

光福山山茶一圍可六尺

銅井山碩氏園寶珠三茶一可合抱 司徒廟古栢二又文杏 其一圍三人

洞庭山舟菴山茶一蔭畝餘四季秀發云舟里先生手植又黃家堡古桂

常熟縣虞山致道觀七星檜梁天監中張道裕道陵十二代孫手植今存

其三其雷震風劈者尤詭異餘皆後人補植

華亭縣北二十五里佘山五代朱承進墓有垂絲栢一株甚巨

述鄭益校錄本

華亭縣北禪寺宋時回先生過之手植樟于雲堂去後數年數年樟瘁回復造焉問樟公何在取瓢中藥一丸瘞根下樟復榮葉俱顯瓢痕始悟呂仙也

華亭鎮縣東南三十五里陳侍郎碩野王故居墨池旁古松云野王手植

鐘賈山壽安寺陳氏墓垂絲檜二徑餘四尺崇鬱壯茂蓋數百年物

上海縣西北十里靜安寺陳朝植護檜于殿前宋政和間媚臣朱勳圖以進徽宗欲携之暴風雷忽碎其一今殿右尚存元成廷珪詩香骨自來生左紐苦心未忍棄前朝明心寺縣西南六十里古檜二宋元豐間植



江陰縣西三十里申浦季札墓有巨樹三人合抱產果曰雞距子以形似名也止與一本又揚州 寺一本餘天下所無宜興縣保安寺垂柏連數抱而中剖

玉女潭縣南三十五里張公洞西南三里古檉一株根柯鬱鬱盤礪硯如石唐獨

孤及詩日日思瓊指以

善卷寺縣西南五十里古檜蕭梁時物

鎮江府城西南七里招隱山招隱寺銀杏樹圍五人云齊梁物丹陽東北三十五里經山寺銀杏圍七人相傳晉時植半枯半堅遺子所生小株從中挺出亦已盈斗

揚州府城隍廟銀杏一當門圍四尺

興化縣木塔寺黃梅初治殿賈人以木筏載梅植殿旁胡僧坐

述鄭公校錄本

其下忽不見殿成梅日盛偶一占年東盛則上河豐西盛則下河豐俱盛俱衰亦各驗雀啄則有虫鼠之耗

通州治西為靜海廢縣之遺址有文杏數章大可四圍

淮安海州大海中大松相傳三代時物其狀奇異

休寧縣西四十里白嶽山宜宮古松一直香爐峰又石門一楠其大數圍

寧國縣廣教寺柏黃蘗禪師所植寺有異行僧樹即開異花數色

銅陵縣五松山舊有松一本五枝蒼鱗老幹

蕪湖縣儒學柏宋寧宗時植

滁州瑯琊山城南十里歐陽文忠祠西一梅云文忠手植又瑯



瑯寺舊開化寺銀杏大教十圍高十丈 豐山滁州城西南五里太僕寺公署獲柏大十圍高教丈

全椒縣西北四十八里龍檜山有檜如龍形因名之

蕭縣東南六十五里天門寺有天棗花實如酸枣可食每四月七日其實皆熟次日遂空

### 山西

太原縣西南晉源神廟有古柏桑皮黛綠云千年物

代州城西四十里斷影樹漢文帝當迎立時猶豫不決逐日游移卧于樹下日過樹影不移今樹已朽而其地建白楊廟即此樹也

夏城縣南二十里柏塔山古柏千株有一柏琦瑰磊落獨大于

述鄭公校錄本

衆稱曰柏母 如意里戒定寺古柏一其身五圍根盤八圍上九枝俱似龍形中空處生一槐大兩圍枝屈曲如蛇盤旋于柏枝九龍之上

五臺縣五臺山之圓通寺去三珠泉百步有七寶珠樹高二丈許幹上七枝復合為一垂葉四下

代州東北五十里墓側有古柏五十餘株名鄧都柏

趙城縣東八里媧皇陵在候村松柏圍二丈餘者百餘株媧皇廟前古柏喬偉內一株于幹中寄生一本大如臂俗呼為時節樹柏貫四時彼獨隨時發謝觀者奇之

猗氏縣城東北二里仁壽寺大柏四株都御史何東序扁曰萬古凌霜



稷山縣東北十五里高渠村古柏一大七圍蔭畝許有力者每欲取之輒龍蛇雷雨之變

蒲州東南三十里首陽山伯夷叔齊墓古柏二其一大二十圍高二丈餘次殺三之榦上交相倚

聞喜縣儒學相傳為高桐宮地古柏十數株其大連抱其枝扶踈多癭其葉細而稠大異凡柏

靈州東南三十里霍山中鎮神廟古松數株高數丈枝東向槎枒詭怪如青幢鉄幹

沁水縣東九十里磻山大雲寺白松三圍二丈 明評事常倫題壁宿娖非一夕游此非一朝山僧頗解狂夫趣時儲斗酒來

相招殿前長松十圍大我欲絕粒棲雲巢娖詩不見集中

述鄭公校錄本

大同左衛玄帝宮老榆盤鼎日藝日茂根無所繫挺生于大鉄爐之上相傳為神榆

汾州府治西仙槐樹久朽如剗舟金皇統中有異人出貨藥投樹復活因號仙槐

大同渾源州恒山之紫芝峪古榆數千章其最大者名獲離樹相傳張果老所繫榆也

蔚州北三十里蜚狐口兩山分張皆北向石總無膚有青松高不數尺產其脊

應州城南小石寺古龍松合抱平頂色極蒼翠相傳異僧手植蓋唐宋時物又城東南文殊寺有古松霜皮蒼翠枝榦如龍

嵐縣北四十里雙松山上有雙松 平定州西二十五里上有



古松松下巨石盤踞數丈

靈石縣東三十五里綿山介之推與母隱此文公縱火焚之不出同母抱樹而死其樹名黃節唯此山獨有大小俱半榮半枯後人即其地立廟祀之天旱禱雨多應宋神宗封為黎惠侯近林人家清明節三日不敢舉火廟中有牡丹數本枝幹碩大不知何時所種每開時花皆紅色唯白花一朵開無定處土人密識其枝明歲即易他本人以為神不敢輕折春時花開四方觀者不遠數百里

### 山東

長清縣東南九十里方山靈岩寺古柏漢時物三人圍之不盡泰安州北五里泰山御帳坪北一松奇詭元方煥題曰處士松

述鄭益校錄本

宋真宗駐蹕亭松二秦始皇避風雨其下封五大夫者也生石隙中不甚大幹膚龍鱗是千年上物 東嶽廟文杏一圍三人中空木枯枝葉蔽蒂廟左漢柏五漢武帝時植四皆連理其一最巨 延禧觀唐槐一大如文杏亦中空半枯

新泰縣門內靈槐元省縣入萊蕪而枯後三十年後縣槐榮曲阜縣西北八里孔子墓孔子手植檜在廟門北高五丈餘圍丈有三尺晉懷帝元嘉三年枯歷三百九年隋恭帝義寧元年復榮歷五十一年唐高宗乾封二年又枯歷三百七十四年至宋仁宗康定元年復榮金宣宗貞祐二年兵火漸盡歷八十二年元世祖至元三年芽于東廡頽址間 明洪武二年已巳凡九十二年高三丈餘圍四尺弘治己未被焚今直幹含生不朽



不摧 子貢手植楷高四丈五尺圍一丈今枯株莖中樹千數  
皆異種相傳弟子異國人各持其方樹來種之不生荆棘縣東  
二十里防山顏子墓石楠二大可三四十圍每冢子生樹生一  
梯冢子歿樹枯一榦

鄒縣東南二十五里嶧山孤桐夏禹時物久枯萬曆戊子其左  
生株王思任過之尚檻其半崇禎丁丑詹鍾玉過之無存或以  
桐芽數十簋之縣門外孟子廟古檜三高數丈徑十餘圍枝盤  
曲如龍

曹縣定清寺有枯桐一僧伐之止存朽根萬曆辛卯有道人手  
持木尺禮佛趺坐根上曰此樹由我再生索水嘆水僧不顧也  
夜半道人歌曰木有根兮根無枝人有眼兮眼無珠我來枯樹

述鄭益校錄本

活我去人不識人不識真可惜上天下地遊北極翻身跨起雲  
間鶴朗吟飛過蓬萊側明旦起失道人所在越三日發萌逾月  
枝葉扶踈圍大五六尺許遂成茂樹

陽穀縣西北四十里孟母廟槐四宋元祐時植

恩縣西北五十里四女祠漢歷亭傳清家富無子生四女誓終  
養同植一槐今槐存不甚大或後人補植

臨淄縣西北二十里郵亭古槐十枝高五尺許相傳宋太祖微  
時過此嘗掛袍其上曰矮槐

黃縣東南二十里萊山寺西北有古木唐初物

棲霞縣濱都觀枯松柏相傳每百年長一枝

即墨縣東南六十里勞山上清宮文杏二凸處可隱二人



河南

鄆陵縣西十五里甘羅墓七枣環植皆合抱

延津縣 石婆東唐尉遲敬德造東嶽廟殿後酸棗樹一

株合抱高數丈歲久不榮挺並特立旁產一株甚茂云敬德繫

馬掛策其上按延津古酸棗縣也宋時改延津冢宰李戴有記

密縣東五里天寶宮白松世傳黃帝三女九歲俱辭家學道

後十七年歸省一夕同逝合葬于此明年塚上生松一株三幹

幹白如雪大四十圍高八九丈膚理瑩澤搯文隨起或曰民間

女學道有成人仙去墓白松下 縣東北二十里脩德觀古檜

殺白松十之一偃蓋左紐銅文

密縣志

新鄭縣陘山鄭子產祠前古柏一陳根之上多生穉葉青青可

述鄭公校錄本

愛

滎陽縣東七里槐一奇甚世傳漢高祖為王時繫馬于此金趙

秉文詩滎陽縣東千古槐人言曾見漢朝來不知幾覺南柯夢

直到如今喚不回

襄城縣南五里首山西巔有樹一株名金花樹俗呼澁樹大可

十圍枝葉穠都數十里外可望及之崇禎庚辰枯死或以此樹

關一縣之盛哀戊子于舊根旁復生二株又縣北二十里徐君

墓有樹相傳季子挂劍處曰靈樹

林縣城隍廟銀杏樹圍二丈高七丈老榦扶疎翠葉蒙密縣西

二十里婆羅樹其蔭及畝今樹毀迹存 西寶岩黃華寺古槐

蔭數畝 覺仁院獅子峰其下漏天岩有異木折榦倒植野人



曰交加木 爭秀峰西慈明院偃松二

磁州黃花谷內仙母塚大樹九後漢仙人王津墓母于此

輝縣西北七里蘓州山百泉書院古白楊十四株大可蔽牛殆  
數百年物 縣東二里道旁連理樹兩椿同根一雄一雌下有  
叢塚微露其磚未知所墓何人 西北七十里侯趙川之平羅  
社為藺相如墓有古銀杏一株

濟源縣西八十里王屋山北天門古松十數

偃師縣達磨菴三花樹以凌霄藤附檜而生 六祖手植柏

方丈寺古槐高十丈圍三丈宋文彥博詩五品封槐今尚存第  
未知封何日也 縣西北比干墓有木大三圍中空身根半存  
上枝茂盛剖心之生氣猶在

述鄭縣校錄本

登封縣北十里嵩山中嶽神廟門內古柏殆二百 絕頂止三

大圍六人石刻漢武帝封大將軍次圍可四人封次將軍又次

可三圍俱怪偉明喬宇曰意天下之木殆未有甲于二木者袁

宏道曰漢武至今千七百年柏在當時已受封殆殷周間耶

新安縣西二十里王喬洞洞石皆土所成具木葉之形洞上二

木化石而復生枝葉與凡木類云昔仙人大丹成土木皆化為石

邙縣城北十里濬古姚期莊也山上一黃棟係手植千餘年柯

葉茂盛人損之輕則傷畜重則傷人

新野縣北二十里張門村黑麓廟前有古楊數株俱大數圍採  
青者伐樹血出遂止跡存

華山華陰神廟門內古柏合抱無枝葉亦無膚僅枯幹二丈餘



吉水李日宣勒石曰青牛老樹謂老子西來係牛處也又北三  
丈許老柏空腹有鳥啣槐實墮其中生槐榦且合抱而柏朽裂  
半存嘉靖中州守某以鉄索合槐柏束之相傳張飛立馬看槐  
處見于壁刻

陝西

藍屋縣終南山老子紫雲樓下繫牛柏柏下石牛卧焉又南四  
五里說經臺古柏一俗說樹死老子針之活

咸陽縣北十五里周公墓模木其葉春青夏赤秋白冬黑

鄠縣南八里淨土樹俗傳西域鳩摩羅什憇此覆其履土中出  
此樹三月開如桃花八月結寔狀如小枣殼中皆黄土

華州南少華山蒼雲嶺古松五號五將軍今四株圍數人高數

述鄭益校錄本

大

成縣東柯谷唐杜甫姪佐居此所居後為寺有樹稱子美樹涇  
州王母廟前有古木數株不膚而滑莫知其名

空同山中峰寺北半里古松六

靈臺縣至定寺左離山唐牛僧孺別墅有銀杏連抱數圍根結

二畝

廊州北閔元寺有白松奇古 明張著詩葉墮銀釵細花飛香  
粉乾山門煙雨裡渾作玉龍看

安定縣南六十里神木山古樹千株樵採不敢入人以為神又

縣七拾里高柏山有古柏

中部縣北黃帝橋陵多古柏木



神木縣西十五里楊家城內神松二  
涼州衛東三百十里松山上多古松

莊浪衛東百二十里大松山山多大松又東北百里小松山

浙江

錢塘縣西山上天竺寺長生僧舍梅二並合抱西溪永興寺大  
綠萼梅二

海寧縣東北四十里洛塘故廟銀杏一圍三人唐許遠手植華  
而不實杖向西北

臨安縣西五十里天目名斷崖塔院大杉一又華蓋松高七丈  
中峰大師悟道處 西南中峰塔院大杉一本二幹化成寺側  
一松根在崖下頂高走路僅二尺許俯視如薺蔭可三畝牧童

述鄭益校錄本

戲其上不動 觀音崖檀樹長丈餘懸崖外歷三十年不加長  
下覆小觀音座僧云禱雨輒應

餘杭縣西南十八里大滌山洞霄宮大杉二相傳唐昭宗景福  
二年閻丘先生以孟携自天台者圍二丈高三十餘丈葉雖凋  
減枝益堅 徑山寺門古松 可蔭十畝又木蘭一並奇古

於潛縣南二十里牧嶺古松盤錯奇怪有兄弟各欲訟於有司  
夜憇其下質明相顧而悔各息因名木長官

昌化縣西北六十里千頃山龍湫西一娑羅樹初夏花開香聞  
數里

嘉興縣東三十六里圓通寺銀杏二唐時物

海鹽縣城南永祚寺銀杏二數百年矣天將雨輒出雲雨霽雲



復歸又縣南十八里秦駐山廟前飄松一斬而復生不由栽種  
董穀碧里雜存

歸安縣東 震澤普濟寺古柏數千年物能為神

長興縣東南大雄寺陳高祖故宅也梁天監中手植檜今中裂  
為四枝垂蔭半庭堅如金石 鉄佛寺有六朝銀杏樹

湖州天聖寺六檜云齊梁物

德州清縣西南天寶橋西左頽亭孔愉於歸處二大枯木可千  
年挺立不朽

吉安州鳳亭鄉岳武穆將壇一椽樹大數圍莫敢犯

紹興府天衣寺有舞松一株相傳為晉人手植

高橋 有古樹一本五大幹倒卧橋側

述鄭坐校錄本

項里

項羽所避處有廟古樹圍二人

秦望山 府城東南四十里 古松一

雲門山寺

城南三十里

盤古社木大數圍晉唐間物

曹娥江

府城東南七十里

曹娥廟古檜二又山茶樹千年外止

如拱把之半根奇峰折取一花者其手自懸于樹因勒石示戒  
餘姚縣 九里宋石將軍廟樟樹可數抱 岳林寺古柏

縣南二十里桃花嶺下有桃樹約數圍

新昌縣南南明山月峽古松唐人植

天台縣桑州驛古樟圍十人 天台山萬壽寺古杉十二各百

圍相傳羅漢所植 羅漢嶺古檜十餘大數圍 歇脚寺牡丹

二本高丈許每放五百餘花 華頂峯石罅有木爪花時一蛇



盤其上至落實供大士乃去號為護聖 資福寺怪松大數圍  
高不過三五尺枝葉翔舞于水面舞狀類鳳根盤類龍萬曆癸  
巳摧于溪水 天台山菩提樹相傳西天梵脩遺種花葉如柿  
結子為珠十百中必一二顆如羅漢佛頭云他處所無也  
楓樹嶺上古楓高二十餘丈大可數十圍其中空可容數百人  
永嘉縣象浦驛古樟圍十人 石羊山穴中枯木狀如石羊色  
如黛赭

平陽縣西南昆山絕頂二古木冬夏常青

建德縣橋山相傳絕頂有羅浮橋一株熟時風墜得者云仙  
桐廬縣東五十里嚴陵釣臺崖上香木一株高丈餘圍三寸許  
歲長一寸太監黃敬採買江浙一日欲犯之不能得

述鄭益校錄本

蘭谿縣

古柏

明太祖嘗駐師其下

黃溢大溪古檀

一其大合抱高十數丈歲春夏溪漲始發葉如漲後不葉必復  
大水

真覺寺後智者大師塔上松不下數百年偃蹇如虬龍

東陽縣南六十里淮岩山道旁有岩可容數十人旁有連理木  
其大百拱

浦江縣東明山之梅花泉有老梅如龍橫蹲其上

開化縣

銀杏一巨甚其實從幹上壅腫處剖出云胎

生銀杏取其旁幹接他本仍寔于枝

麗水縣南十里白雲山麗陽廟古樟靈根千年不榮不枯柯萌  
時出殿外



靈和縣大杉嘗緝圍之合十九丈徑六丈四尺遠望百里外

江西

南昌府孚應廟古槐唐崔隱士手植 翊聖觀二松相去五尺合為一幹名為義松

西山咸通寺古娑羅樹其下貯樓三盈曰枯木樓 許旌陽手植桂

建昌縣北五里冷水觀壽松一名挂劍松相傳許遜挂劍于此甚怪屈宋寶慶初知縣曹幽亭其側曰千歲靈根 縣治南壽樟初邑人李左司公懋仕于朝高宗嘗問樟公安否對曰枝葉娑娑四時常青項安世作壽樟亭記

鉛山縣北十里鵞湖山唐義公道場手植羅漢松一

述鄭益校錄本

九江府城南二十五里廬山白鶴觀大松徑丈餘 山西大林寺寶樹二一如蓋一如塔葱鬱異常

德安縣崑崙山元陽觀牡丹根枝連抱云玉仙所遺

彭澤縣南陶狄二賢祠有山茶大盈抱二月三日祭時花特盛好事者分種之竟無一活 縣南四十里仲芳湖上狄梁公廟有柏八株不膚相傳公被誣減死貶彭澤令因三人值除夕許還家五日就獄其逾期者一喪母一風阻事聞天后异而釋囚因率男女五百人祠之柏八章相傳因劈餘枝所生

建昌府城西南十里麻姑山殿後七星杉圍二三大高切雲漢橫列七株故名

撫州府城西北清遠鎮禪居東山有壽樟一幹圍三尋



清江縣署古松五

安福縣東三十里福聖院唐仙女吳彩鸞來遊手植二樹曰羅漢柏歲花冬實 縣西百里神楓形如神面目歲旱封以泥則雨

高安縣署有偃松 城西南四十五里集仙觀古柏三許真君遜手植有丹井

萍鄉縣檀樹五客以六十緡貨之將伐一夕生龍鱗遂輟 縣治南寶積寺羅漢松黃山谷手植

萬載縣 六里慈化寺普菴道場也倒栽松圍可三人根皆在上枝幹下垂枯枝如鉄風霜不摧青翠欲滴

墨潭下陂有六樹同本各四五圍離立可置二席

述鄭公校錄本

湖廣

武昌城西黃鶴山仙棗亭多棗有一樹半榮半枯云古仙所植漢陽城東北大別山太平興國寺有柏俗傳禹治水時所植其根盤曲直至百泉寺井下因名今柏根尚存 襄陽城南七里峴山有晉柏其柯幹如鉄石 均州南百二十里太嶽太和山古杉大十圍者至成林 柳梅相傳真武神折梅枝寄柳樹上仰天誓曰吾道若成花開果結竟如其言今樹存

華容縣觀音寺玉蘭樹高大餘遠望如玉山 荆門州靈鷲山祖師洞深數里有樹數株葉如冬青寔如红柿可愛名曰仙果觀音崖娑羅樹大二十餘尺 太陽山寺娑羅



樹一 東嶽觀銀杏二大合抱嘉靖三十五年伐其一  
巴東縣署萊公柏冠準為令時手植三株

岳州西南洞庭湖君山上崇勝寺古銀杏大可數圍腹中半焦  
僧云此秦始皇火樹

衡山縣西二里靖居岩有羅漢古樹 西三十里衡山絕頂有  
千年松

鄱縣康樂鄉神農氏陵有二杉一榮一枯大數十圍高不能測  
根節如鉄石乃異人所植莫敢剪伐又龍爪樟亦大數十圍武  
陵縣德山寺古桂二各大數十圍

寧遠縣南六十里九疑山舜廟北棟丹觀簫韶祀林兩峯間有  
松穿石白而生枝柯拳曲如伏龍狀又沙樹十二其大七八圍

述鄭坐校錄本

次五圍縣官某嘗鋸其小者大風雷死三人

沔陽城北紫陽觀有三色檜宋徽宗嘗賜金牌曰圓通神靈老  
柏張耒詩亭亭古柏不知年天寶以前耆舊傳

郴州城北郴江口曹王寨山其巔有石若鼎在大石罅中歲久  
石合兩耳出石外有柏樹生貫石耳中

桂東縣東五十里萬王城內富桃李就啖之味甚甘而不可携  
或私藏之必失歸路

四川

四川布政司公署故漢先主遺宮柏二百本堂前古桂一圍四  
人花時日掃數斛 成都城內西南江瀆廟有六樹傳自隋唐  
高十餘丈圍約四五尋挺直如矢無他柯榦顛上生枝葉若棕



樹狀膚龍鱗而翼鳳尾寔大於棗歲仲冬有司祭而始採詩諸葛武侯廟古柏圍四尺唐末漸枯不敢伐宋乾德五年丁卯五月枯柯復榮

灌縣西北二十六里灌口山有古樹圍八九丈上有寄生木亦大數圍云秦物土人稱紫柏 縣西南五十里青城山天師粟似栗而小獨房可治風孿相傳張道陵手植七十株在上清宮牡丹高十大歲周一甲始花

彭縣玄妙觀桂二四時清陰覆城地十餘丈 西浦國寧觀大楠木蔭車數百仙人遽君手植

羅江縣吳氏塋有柏數圍十尺中空外曲若蒼龍狀枯而復榮蒼溪縣東南三十五里雲臺山有大柏中空可坐數人亭其側

述鄭益校錄本

曰魁柏

劍州西八十五里延福寺有巨木一獲羊色白時來其下近則香

廣元縣北張道陵祠有伏鬼井道陵植杖井旁今為喬木

梓潼縣北十五里七曲山文昌祠二晉柏大幾三抱

富順縣甘氏園木黃葛依石而生方條忽拱

永州縣有松化為石今尚有斷節及根

銅梁縣南五十三里巴嶽山木連樹高五六丈葉如榿楠花如菡萏出山則不植

重慶城東北二百八十里溪上有古木盤曲如交龍曰交龍

涪州荔枝灘荔枝十八株猶唐所進楊妃者今存其三圍可四人



夔州府治東白帝城之西有木如桂高三丈相傳公孫述樓柱斫之出血枯而不朽

眉州治西南三蘓祠古榆一相傳蘓老泉故居所手植至今榮茂文廟紫荆二宋時植

嘉定州治東九頂山兌說峯下大楠三株其麓清音亭異柏四曰葉細如剪刀扁仄如片曰垂絲如柳曰蝟刺如毛 洗墨池

松四偃蓋如車輪 海棠有香其本合抱

峨眉縣楠木坪石楠文杏各大數圍高十餘丈又山半有老僧樹初枯而中空有僧坐化其內樹復活

大邑縣西八十里鳳皇山有紫柏十圍根盤巨石上號騎鯨柏邛州有變色木芙蓉花先白次練次緋次紫文宮花院有之

述鄭益校錄本

合江縣南五里榕山上有天符葉如荔枝長而有文如虫蝕篆不知何木或以為劉真人仙跡

納溪縣楠木洞二楠大不盈數寸高丈餘葉亦扶疎雖千年如弱植

江安縣三清觀松二高十數丈

黎州安撫司廳東梨一高九丈圍九人州人取其枝以接菓相傳唐僧三藏游西域經此植梨枝處云他日州治在此果如之城東十里龍池祠內枯槎三株如龍形觸之則風雨暴至

### 福建

福建布政司後堂有大樹合榕樟纏生鬱然干雲曰嘉樹堂福州壺江在海上多烈風而白崖之上有椿一株翠蓋亭亭榕



葉棍身經年無鳥跡雖風作不脫其葉三年結子如紅苳白椿  
閩縣東十里東山之松塢有松宋初物錢昱題松身曰景致福  
神仙心筮道亦玄僧閑出來世松老不知年

侯官縣鷄籠山西為鳳岡並種荔枝大者十圍高三十丈皆閩  
王王審知所植 城北百八十里雪峰山麓月池旁有古杉閩  
王王審知與雪峯大師手植皆數十圍又雪峰道場有栲樹藏  
樓三楹曰枯木樓

羅源縣山路旁石岩下覆古樹虬枝蒼蔚其上石刻蘓舜元才  
翁所賞

永福縣東北 里方廣岩徐君壇古杉高與岩齊仙人福州  
徐登東陽趙君炳競術君炳倒植花林莊登埋棋子田中涌土

述鄭公校錄本

成整植牛枝其旁旋生枝葉今老樹尚存

晉江縣城北雪山宋時泉州治在其麓宋韓國華為守生琦于  
此生時治前榕樹悉花花如攀枝今樹尚在又城東鸚鵡山承  
天寺塔植榕樹絕無矢汚榕根盤鬱無後侵出石闌外者南安  
南安縣西九日山延福寺有無名木宋時木也而莫識其名王  
十朋詩一本蒼然老更奇肯將名與世人知我來不具知名眼  
深愧平生未學詩 福泉山有徐道菴菴前椽木合抱紹興三  
年水出其中或以瘡病

永春縣樂山東甚有橋一本橋實隨人取實袖歸即變蛇蝮人  
號東臺仙橋

泉州城中承天寺菩提樹一本大十餘圍高數十丈



建寧行都司元平章陳友定舊署多大樟皆十許人合抱一樹  
中空可坐五六人槎枒下垂儼如岩洞不知為樹也 城南三  
里開元寺瓔珞松二

建陽縣西北七十里雲谷道中有數松詭異石碣曰戰龍松朱  
晦翁書崇安縣圃宋令趙抃手植梅邑人碑之銘曰台有棠菓  
有柏清猷梅碑以石

浦城縣 村中銀杏一株世傳仙人擲樹枝于上其枝垂下  
生每果熟樹自腫成大塊破之可得二三斗多至石餘形視凡  
果差小味則同

尤溪縣西南百七十里分枝嶺界泉之德化上有大樹南北分  
向分縣境

述鄭公校錄本

歸化縣羅漢寺有樹名羅漢結子如嬰兒

莆田歸福平山鳳山寺前有大木乃甘棠赤榕槭樸三木合為  
一幹蓋其初鳥食二樹之實遺矢一樹中若寄生然久之合為  
一樹矣輪囷蔽虧參漢連午東西不見

仙遊縣楓亭驛荔枝樹六枝皆參天味最甘 大旗山石瀨有  
一樹婆娑如榕國有大故樹最先悴人名知國樹

漳州鎮海衛榕樹幹大如一間屋蔭三十餘丈 翠屏山之麓  
有大小二洞洞口桃二株不根土壤對峙石壁上高不及三尺  
歲結碧桃數十顆

光澤會仙岩石斗岍上有朱桃熟時即墮人莫能得  
平和縣三平山樟樹云唐義中禪師初入山卓錫而立化而為



樟今尚存

福寧州龍泉菴榕樹其中可盤坐五六人枝稍寄生大可數十圍

廣東

廣東城內光孝寺菩提樹梁天監元年梵僧智藥三藏自西天竺移植今圍數抱高十餘丈經冬不凋葉之筋脉細緻如絹廣人每用此為燈為花

南雄府城東三里三松臺其地隆然高阜上有松三株蒼翠如

潮州府治東金城山韓文公植一木今不識其名但稱韓木土

人視其花之疎密以卜登科多少去祠十餘步種之輒死有題

文公祠云韓木有情空谷煖鱷魚無種海潭清是也

述鄭公校錄本

廣西

桂林府南門榕樹一唐總管李靖所植歲久根盤分而為二

貴縣城內陸續井 乾和中刺史劉傳古植橘一株

慶遠府城北山大岩唐仙人陸禹臣嘗手植桃榴于左各一又

淨瓶植榕樹凡二十四葉至今不凋

橫州馴象衛殷指揮園鉄樹高三四尺幹葉紫黑葉小類石楠

周年乃花花四瓣紫白色如瑞香累月不凋嗅之草氣 王濟日

詢堂手鏡

雲南

雲南府城西南三十里太華山寺山茶八株高四五丈香閣前古椿圍二丈蒼幹入雲千餘年物府城南昆明池山茶



安寧州西岸曹溪寺曇花一樹相傳自西域來扶桑八尺綠葉  
白花移藥他種終不復活 溫泉側有無名樹僅四五尺蟠根  
石厓四時不凋亦不長楊用修有瑤草蟠千歲之語今距用脩  
百年矣形質如故不知其何木也

江川縣北二十里獲龍鄉有古樹不知其名春茁葉自南則旱  
自北則雨自東自西則風雨時未黍登四圍並發則飢饉旱澇  
驗之不爽亦不知昉于何代也

太和縣上關和山之麓有樹高七八尺葉如桂花白色每朵十  
二瓣應月數遇閏加一相傳仙種更無別本土人因其地名之  
曰和山花

白崖川

菩提樹高四丈

述鄭公校錄本

臨安府

荔枝二樹並合抱

武定府城西五里獅山上小池旁羅漢松一大數十圍霜柯鉄  
幹世所罕見

金齒衛城東北八十五里瀾滄江其南三十里有萬箭樹段氏  
時蒲蚩出沒經此過者射其樹以厭勝之至今猶然高大餘鏃  
如蝟刺

貴州

貴州金雞驛東十餘里松樹山山石如臺高數千餘尺上五松  
自漢以來至今不改柯 馮元成集

談遷曰余輯古木在今者據地志及文士紀詠耳秦蜀閩粵  
滇黔中地多深阻歷代採木輒致異材而徵文攷獻自恨寒



儉誠為寸朽貽笑鄧林也

穀

秈稻宋大中祥符五年求之占城分給江淮間者耐早熟

江西建昌府產銀珠米宋時太守沈造嘗獻

金華香稻梁開平中赤松擅道士周 獻赤松澗西秈米于

錢武肅王曰此寔仙種三秋穗重香濃止五十區鼠則野狸逐

武肅之雀則蒼鷹逐之王密遣張思敬往視果然遂賜紫衣

初沿宋制歲貢香米三十石 太祖曰我訪知民間擇圓淨者

用黃絹袋盛貯封護進呈今後同秋糧送納不須歲貢勞民自

此遂絕金華府志

平涼番麥一曰西天麥苗葉如葛林而肥短末有穗如稻而非

述鄭益校錄本

實：如塔如桐子大生節間花垂紅絨在塔末長五六寸三月

種八月收平涼府志

襄城縣土產芒大麥米大麥亦可釀酒漢書揚州有桃花米即

今秦州紅也為下品

米荳雷州府思靈島出枝葉似柳花如烏荳一種之後數年生

寔淮南子豆之美者有米豆

四川三峡產雲南稗一曰鷹爪稗以形似名亦播種畦植与五

穀爭植東南所無也

竹

杭州餘杭縣之洞霄宮竹葉採之或不露骨云無骨箬

嚴州越王竹聞人聲則縮入沙中



延平府劍津西山有朱竹數頃按朱竹世未之聞元時宋仲溫在試院卷尾以朱筆掃之故張伯禹有偶見一枝紅石竹之句管夫人嘗画懸崖朱竹楊廉夫題曰網得珊瑚枝躑躅篔簹谷明年錦棚兒春風生面目盖画中朱竹不謂實有之也

鄱陽人言山中產异竹高十餘丈其徑盈尺截而為簫往往得泉甚甘山中亦多壽考

陶安學士集

袁州平鄉縣羅霄山晉葛洪脩煉處壇生二竹風動如掃人謂之掃壇竹又岳州平江縣幕阜山一名天岳山上有仙壇瑞竹同本異幹隨風掃地名為掃壇竹

均州西南薤山孤竹三莖歷三年一笋生一笋甫成則一竹枯代謝不已

述鄭公校錄本

茶陵州真仙洞有竹節長一尋徑數尺名曰雲英

衡州衡山萬年竹

廣州增城縣東南二十三里猗山產娑羅竹圍三四尺性至堅土人取以為

惠州羅浮山有巨竹十圍節長二丈曰龍葱竹

平樂府平樂恭城二縣出筋竹可作衫充暑服

峽州宜都縣飛魚口產紅竹大者不過寸許鮮明可愛有竹斜節如龍鱗山園中間有之不多得

長韭

浙江象山縣東南百餘里大海中韭山產大韭徧地為然

四川邑梅峒長官司南八百昔有人遺韭種山頂韭長丈許四



時茂盛人多食之

彭侯芋

福建連城縣蓮峯山產彭侯芋葉大如盤冬夏不枯過年子落崖下人難取取以劑大亦不能熟舊傳彭侯所種

甘藷

甘藷俗名紅山藥也徐玄扈相國曰近年有人在海外得此種海外人亦禁不令出境此人取藷麻絞入汲水繩中遂得渡海因此分種移植略通閩廣之境俗名番藷蔓地生形員而長味甚甘山藷為劣蓋中土諸書所言藷者皆山藷也今番藷撲地傳生枝葉極盛若于高壤沙土深畔厚壅大旱則汲水灌之無患不熟閩廣人賴以救飢其利甚大

農政全書

述鄭益校錄本

朱藷產呂宋國被野連山不待種植夷競食之萬曆中閩人移蔓以歸種之數日即榮瘠鹵砂崗皆可植糞之加大泉人資以充飢何鏡山先生

喬遠有番藷頌

荔枝

弘治壬戌沈石田有白茆頌氏種荔枝成樹詩云常熟頌氏自閩中移荔枝數本經歲遂活石田使折枝驗之翠葉芄芄然不敢信也以示閩人良是因作新荔篇

按吳地荔枝難種往聞吾西湖馬太僕三才墓含有荔枝樹垂實為俗子伐去偶見沈氏詩後人獨不為繼美耶

龍眼荔枝二種廣東止于韶州至南雄則無福建止于福州至延平則無大都近海之郡則生不近海不生閩俗女子將嫁男



家先一年送荔枝紅

獨本葱

馬湖府產獨本葱宋真宗罷獻

羅漢菜

南昌西山羅漢菜因靈觀尊者自西域持至葉如豆苗蘄州三角山亦出雜以葷即無味

人參

遼陽東二百餘里山深林密不見天日產人參採者以夏五月入裹三日粮搜之最難或迷徑斃人

萬曆中遼東李都督如松嘗餽某侍郎一本重十六斤形似小

兒海鹽姚叔祥說

述鄭益校錄本

地黃

懷慶地黃蓋藉濟水灌畦而肥也不知密縣東北一帶旅生實繁苗時懷人用青蚨買去每斤值五六文耳計其所獲畝鬻十金而饒密縣志

琪樹

琪樹垂條如弱柳結子如碧珠三年子乃一熟每歲生者相續一年綠二年碧三年紅綴條上璀璨相間產天台桐柏宮石橋等處

佛手柑

佛手柑一名飛瓊鈕潘母孫瓊與定夫人書此中果有胡桃飛瓊

薔薇露



薔薇露出大西洋國花如牡丹花露晶瑩芬芳襲人澤休膩髮  
經年不減

### 大内瓜子

大内多異物歲一閱視出之于庭有瓜子長五六寸濶稱之不  
知何地所產其瓜當大于屋此古來史冊所未聞也袁貴妃父  
祐記 玉堂書記

### 文林郎

濟南文林郎果本草云出渤海如李如林檎其樹自河中浮來  
得之者為文林郎故云

### 不灰木

檉子經野火燒死根不灰色白類龍骨 諸城縣記

述鄭公校錄本

萬曆己丑春諸城東鄉人言廬山東麓崖塌出龍肉又曰龍骨  
無數邑人驚愕後識者曰不灰木也其長莫竟滿澗皆是色白  
而軟非木也可以燃燈類于龍骨故訛傳耳齊地記曰東武城  
東南有盧水水側有勝火木方俗音曰檉子其木經野火燒死  
炭不滅故東方所謂不灰之木也

### 君子樹

君子樹似松曹爽樹之於階 廣志

### 木威

廣西宜州木威似栢樹葉間有實穠生似橄欖廣東蓋號為烏  
攬筴貴間謂波斯橄欖其葉兩廣人用作雨衣柔韌密緻勝青  
油也



血樹

血樹似芭蕉葉如血根幹紫黑色高者七八尺惟雲南臨安有之

塔松

峨眉山塔松狀似杉而葉員細亦不能高重重偃蹇如浮屠山頂尤多

春實

鉅野縣郊外紅樹一枝蓋椿寔也與餘者不同

楊士聰靜遠堂集

椿木

寔香可嗽

陰陽柏

海鹽橫山崔孝廉培元家廳事前二柏殆百年專左花右寔予聞而特過之真奇種也按陳繼儒太平清話南渡時高麗進陰

述鄭益校錄本

陽柏二株僅二尺許高宗以賜王陶陶種之永懷寺高與殿齊每歲左花則右寔右花則左寔

紅荳樹

南京牛首山東北鄭太監墓有紅豆樹

順棘

長清縣豐齊鎮北古城棘刺皆順而不鈎世傳宋藝祖微行過此

長清縣志

蕨草

山海經曰大隄之山其陰多鉄美玉青堊有草焉其狀如蓍而毛青花而白實其名曰蕨服之不夭可以已腹病今亦存其名耳併美玉青堊皆烏有也

密縣志



松羔

秦地松樹弥望山中尤多其小者曰松羔以木稱羔与羔羊之羔義同 楊士聰玉堂薈記

金剛纂

天目山金剛纂樹長不滿三四尺多屈曲雖春夏亦無葉每觸其枝曳裾不前夷緬國有是種相傳剉其末以漬水水必毒飲者立死 安吉州志

雲南大候州產金剛纂其色青狀如刺桐性最毒

赤藤

赤藤產緬甸朱色可為杖

孝陵海棠

述鄭公校錄本

孝陵海棠獨結實外香中酸

指甲花

指甲花五六月開花細而黃類木犀中多須葯香亦絕似葉染指甲其紅過于鳳仙稽含南方艸木 胡人自大秦國移植南海 日詢堂手鏡

婆樹木花

婆樹木葉如海桐又似楊梅花紅白色三四月盛開備紅紫白諸色叢蒨並蒂大可尺許出四川峨眉山

木蓮

峨眉山木蓮四季歲蕤若續  
早金蓮五臺山出瓣如池蓮較小一圍而色如真金挺生墮地



相傳是文殊勝蹟也

娑羅樹花

天台山娑羅樹花一名鶴翎出華頂峰以多經風霜樹不高大樹數十枝枝十餘頭頭六七葉經冬不凋花如芍藥香如茉莉唐天寶初安西道進娑羅樹

唐婆鏡

唐婆鏡一名羞天花一名倒垂蓮本草所謂鬼白也其花背日與蜀葵相反

簷蔔花

牛首山鄭太監強墓有簷蔔花

滇茶

述鄭益校錄本

御史鄧鍊論滇茶十德色之艷而不妖一也樹之壽有經二三百年者猶如新植二也枝幹高踈有四五丈者大可合抱三也膚紋蒼潤黯若古雲氣罇壘四也枝條黝糾狀似麈尾龍形可愛五也蟠根獸攫輪囷離奇可馮而几可藉而枕六也豐葉森沉叢茂七也惟性耐霜雪四序常青有松柏之操八也次第開放近月方謝每朵自開至落可歷旬餘九也所入瓶中水養之十餘日顏色不變半含者亦能自開十也

昆明池山茶見吳人葛一龍四憶詩

玉女花

沁水縣韓王村玉女祠有樹每歲再花春赤秋黃人不之識張大理五典載之縣志大理長孫都督道濬遂名曰玉女花蓋今



人耳目短隘或他處有是花具其名未可知也曹縣青山之土神祠縣志云樹古不知其名郝秀才元謂南人過之云樸也夫樸為下材猶隔于淺識况其他乎孔林之楷子貢所植即吾鄉黃棟嫩葉可茹俗名茶娘也予年五旬因過丹陽摘芽同舟人語及有省否則終其身不知楷為何木矣

### 勞山白牡丹

膠州勞山明霞洞宮白牡丹本非近時物豪家匡氏移去而匡氏敗有白衣人見夢于道士曰我今來矣果舊坎復蘖至今存匡氏之種萎高相國記

延安府膚施縣南四十里牡丹山曰花原山多牡丹樵者以為薪又縣西牡丹川牡丹特盛又宜川縣東二十五里牡丹原

述鄭公校錄本

### 沈萬三牡丹

南京都察院河南道署中牡丹單紅為國初沈萬三物

### 延州紅

延州杜甫川西三十里曰花原頭其山高五里輪二十里千餘年來土人種牡丹幾遍至折為薪故名花原牡丹譜所謂延州紅也

### 海棠

大足縣古昌州也海棠獨香故又名棠國唐有大足年號郡邑以年號名者種種如仁壽崇慶之類 郭子章蜀草

### 金蓮寶相花

南京雞籠山五顯廟金蓮寶相花一曰優鉢羅花開必四月八



日至冬而實如鬼蓮蓬去衣其核中則金色佛一尊

### 紫金蓮

登鄧縣嵩山法王寺紫金蓮開中秋一月云神光設法時從地湧出移他處即稿

### 轎頂花

隨州大洪山有岩花菜轎頂花他方所無李維禎大洪山記

### 普舍樹

施州普舍樹四時開百種花惟覃氏子教歌舞其下花乃自落

### 素馨茉莉

陸賈南行記南越五穀無味百花不香獨有二花不隨風土而變謂素馨茉莉麗也

述鄭堃校錄本

### 特產

閩中紅茉莉蜀中紫繡毬楚中紅梨花燕中黃石榴天台黃海棠白海棠白紫薇碧桂花白玫瑰洛陽黃芍藥皆特產地所無

益都方物畧記有赤鷓芋止言可歲不言其花予里佃人偶種得花開以日中花成條若簇小粟香如蓮色如百合亦若葵而稍淡先有臺如荷包之花綻而臺破見鄭以偉詩中袁石公盛稱湘湖蓴菜美不知湘湖無蓴皆從西湖採去以湘湖水浸之蓴菜經宿則愈肥凡泉水湖水皆可浸不必湘湖也今人但知湘湖之蓴又因石公言謂非湘湖水浸不佳皆耳食者耳見李流芳集中蓴菜歌



廬山紫芝

晁無咎雞肋集舊說廬山有紫芝田百晦人莫得見偶于開  
棲賢林中步兩日各得一枝正枝如王云噫紫芝可植所少  
晁無咎其人耳

木瓜

木瓜出汲縣爾雅曰楸木瓜也衛人所賦木瓜即此

芍藥

灤陽芍藥芽代茗飲曰瓊芽先朝進御見黃潛集中

不出宮菊

宋徽宗藝菊有小朵銀色者不令分種于外禁中名曰不出宮  
菊譜所謂御愛菊也

述鄭坐校錄本

菊實

盛弘之荆川紀穰縣芳菊被崖水極甘美菊莖短葩大太尉胡  
廣恒汲引此水又收其菊實傳植京師穰今內鄉縣楚寶

菊譜

趙俊谷先生時春菊譜序曰菊之為華冬培根春莢苗孟夏分  
植夏而迄夏再取其肆又植之終夏而止至秋大盛伐其  
條肆以培其花迄秋而大成初冬大發其美既歆其久存或苦  
覆之幕之蓋終一歲之勤焉其名著于月令餐于聖均紀於  
本草潭于南陽陶潛籬之杜甫叢焉幽人騷客率發詠至宋人  
譜之而大脩色之殊者或如墨或崇及尋丈色品繁阜宜隍及  
圃陳中者宜原野下者蔓衍丘陵皆華而不實其植以根枝蔭



之根成而暢乃見晚其白面內苞作筒外瓣單者香甘宜醇酒  
卻風羔養老壽本草杜甫詩所謂甘菊也聞以伏日而色紫紺  
結子即種而不根芟世號六月菊今吾郡及雁門西河高山多  
有之菊之贅也華之不植而灌樹者或萬數僅如大小錢但可  
釀麵不足稱也受培植而藝工者子其身保其葉翹然上生其  
端有微葉乃參之而又子其枝保其葉脩然扶搖其端有微葉  
又生參其巨莖而伐其細苞參三以應陽九亦菊性也率以微  
葉冒端者為微否即聲糾藝者必審于此故花大及二寸餘小  
者猶當十錢參三之而不可過者或至再倍身洪大者如大小  
指可杖單者猶二三尺高率及人肩眉菊之最盛者也糞必熟  
薄而亟數均平之既以三五日陽地以涼溉陰地以溫溉溫泉

述鄭公校錄本

洪河之波溉最良良獸之腥尤宜溉酪之陳油宜糞分植而未  
根芟宜陰或冒蓋之樹蔭之溉以葉舒為微拳既溉之或以壺  
水如針孔者雨之俟可肄宜移諸陽皆上品也其下者亦居陰  
寒冬除其霜霰或曰此北方平原法也寒其失陽上品花或店  
南方炎洲有雪乃開或至中冬大拒菊雖凌霜耐寒亦稟中和  
之氣焉糞生米汁輒生虫腦麝六畜之賤執工動作之疏率能  
敗菊于法當除

黃中央土正色菊本黃上品大黃菊 正黃 金鶴頂 黃幅赤心二品畏寒雪多

覆赤金盤盤 黃赤 玉繡球 淡黃 黃鵝毛御愛黃 俱千夾黃 火練

黃 黃幅 佛面金 俱千 蜂窩黃一名金荔枝一名萬卷書 葉筒幅

大金錢 單黃 金簪頂一名遠枝嬌 幅單續黃 赤南方火正色絳



紅紫以淺深別也非如服之間色也上品絳紅袍正紫紅鷲毛

海東紅早紫俱千葉初中品狀元紅一日舊朝服初紅晚點黃

下品金眼回單紅幅白西方金正色凡色白者皆靚潔而香菊

為甚皆可釀酒入葉上品平白獲幅黃青心白千葉續白鶴毛

千葉白蜂窩即甘銀鶴頂單白幅金盞銀臺單白幅正

人之正色清且麗者也上品銀雀頂紅幅荔枝紅白幅漸大

粉息千葉中品玉蘭友小粉息虞美人雙幅粉八月菊粉翻八

月蜂窩粉幅

蘭

蘭有紫黃碧三種又四川霧中山產赤蘭曰冬蟬黃蘭曰玉蟬

紫蘭曰金蟬

述鄭公校錄本

宋末鄭所南画蘭不根土曰今日此土非我有也雖憤語而天

台山產風蘭鹿角蘭俱不土而活

宋政和五年正月密州產蘭弥漫山谷或附木石或出平地有

一本數十花層疊高丈餘五色成條

蘭有蒲蘭線蘭各種保定縣志

棉花

穎州志紅棉花青棉花俱間產

禹貢兗州厥貢絲厥篚織文揚州厥貢島夷卉服厥篚織貝註

謂兗地宜桑織文者綿綺之屬卉服今木棉而織貝為木棉之

精好者曰桑絲曰木綿維兗與揚之島夷作貢彰矣古之所謂

綿者絲綿也古之所謂布者臬布也故唐人稅法每丁歲輸絹



或綾絕共二丈綿三兩輸布者麻三斤宋林勳作政本書匹夫之貢惟絲與綿非蚕鄉則貢布麻以綿而係之絹以布而係之麻則綿為絲綿而布為帛布也明矣元學士王磐序農桑撮要之書云木棉種于陝右輟耕錄云閩廣多種木綿棉紡績為布蓋木棉出自南夷西域宋元間始傳閩廣閩陝至明時乃盛

茅

苞茅產沅江一莖三脊

瀛州青茅草可為筆

河南新鄉縣魯包村仙茅世傳西域僧所獻唐明皇服之有驗至今江南人呼婆羅參

嚴州釣臺地止生白茅無他產瑛詩乾坤留節氣艸木顯清風

述鄭益校錄本

仙草

雲南蒙自縣有仙草葉圓枝細其葉乾之一二年醱以泉井或氣呵之復鮮茂如故

不死草

柳州產苴草俗呼不死草狀如茅高一二尺食之令人多壽暑月置盤筵中蠅蚊不近物亦不速腐戰國策楚人獻不死之藥即此

真仙洞草

茶陵州真仙洞深十里許有草一本枝高三十丈狀如芭蕉

觀音篔觀音燭

延平尤溪縣之雙峯山生異草二種一如婦女束髮篔名觀音



篋一如樺燭可灌油照夜名觀音燭

俱那衛樹

俱那衛樹高七八尺枝脆葉狹而長花紅根似玉簪花而小曾師建閩中記南方花有北地所無者闍提茉莉俱那衛皆出西域盛傳閩中北方雖植莫能活也

夢花草

綏寧縣產夢花草其莖如籐其花黃白叢條如綫有疇昔得夢而遺忘者紐之即寤見一統志嘉興包公剡先生汝楫令綏寧嘗訪之土人不知也

虞美人草

四川雅州和夷壩生虞美人草歌曲其草自舞

述鄭益校錄本

羅漢絲

衡山天掌峰生草兩莖相纏垂頭如絲俗呼羅漢絲

通靈草

成化時邑人孫璋守潯州斷藤峽有草名大葉治金創撲損神效徭人珍之孫歸移種而萎弘治十年三月忽生後圃孫曰思之二十年不圖復見名通靈草今不傳或有之無知其名者

相連草相離草痴漢草

貴州清浪衛山間產相連草苗婦于高山長歌連日歌淫心蕩有草飛來入懷置衣袂間令人相思欲死相離草投飲食中令夫婦參商又草名痴漢藥淫婦以食其夫如醉夢絕無妬心徐尚書良彥隨風錄



茶

國家歲貢宜興縣芽茶百斤內二斤上南京禮部

六安州芽茶三百斤

廣德州芽茶七十五斤

建平縣芽茶二十五斤

浙江長興縣芽茶三十五斤納南京茶出碩渚即芥茶也近時僧大方製法剪去尖末號大方茶按宋朱長文吳郡圖經續記茶長州縣生洞庭山者與金時蘄州味同近年山僧尤善製謂之水月茶以菴為名也頗為吳人所貴

嵯縣芽茶十八斤

會稽縣芽茶三十斤

述鄭益校錄本

永嘉縣芽茶十斤

樂清縣芽茶十斤

臨安縣茶二十斤

富陽縣茶二十斤

慈谿縣茶二百六十斤縣西南六十里宋寶祐間丞相史嵩之治墓建開壽普光禪寺其山頗產茶殿帥范文虎因置茶局進貢元明皆仍之

麗水縣芽茶二十斤

金華縣茶二十二斤

龍游等縣芽茶二十斤

臨海縣芽茶十五斤



建德縣芽茶五斤

淳安縣茶五斤

遂安壽昌二縣各茶三斤

桐廬縣茶二斤

江南南昌府芽茶七十五斤

南康府芽茶二十五斤

贛州府芽茶十一斤

袁州府茶十八斤

臨江府茶四十七斤

九江府茶一百二十斤

瑞州府茶三十斤

述鄭益校錄本

建昌府茶二十三斤

撫州府茶二十四斤

吉安府茶十八斤

廣信府茶二十二斤

饒州府茶二十七斤

南安府南康縣茶十斤

湖廣武昌府芽茶六十斤

岳州府湘陰縣茶六十斤

寶慶府邵陽縣茶二十斤

武崗州茶二十四斤

新化縣茶十八斤



長沙府安化縣芽茶二十二斤

寧鄉縣茶二十斤

益陽縣茶二十斤

福建寧府建安縣芽茶千三百六十斤內探春二十一斤先春六百四十三斤次春六百六十二斤紫笋二百二十七斤薦新二百零一斤按何喬遠閩書建安縣鳳凰山之麓曰北苑所焙茶最知名曰社前次曰火前又次曰兩前火前謂寒食前兩前謂穀雨也鳳凰山旁曰壑源曰沙溪皆產茶之地而壑源為冠

崇安縣茶九百四十一斤內探春三十三斤先春三百八十斤次春百五十斤荐新四百二十八斤

述鄭益校錄本

計天下貢芽茶共四千二十二斤而建寧茶品為上宋元時所貢必碾而揉之壓以銀板為大小龍團明初以重勞民罷造龍團惟採其芽以進

自貢茶外產茶之地各處不一頗多名品如吳縣之虎丘錢塘之龍井最著攷南宋蘇州茶額六千五百斤元無額明納錢三百十九萬三千有奇惟吳縣長洲有之

成化三年奏准南京供用庫歲用芽茶坐泝池州府二千斤徽州府三千斤葉茶徽州府二千斤蘄州府二千斤潞州府二百斤徐州二百斤廣德州三百斤

南京戶部志

四川茶園十株取一微茶三兩茶四十斤易番人馬一李文忠以茶五十餘萬斤易馬一萬三千五百十八匹今茶課本色十



五萬八千八百五十九斤係石泉建始長寧等縣并建昌天全  
烏蒙鎮雄永寧九姓土司辦納

陝西茶課今五萬一千三百八十四斤係興安紫陽石泉漢陰  
西鄉歲辦

陸羽茶經曰杭州下蘓州又下建州未詳郭子章曰今三州名  
甲宇宙豈山川清淑之氣當竟陵時未茁為茶耶

宋貢茶首稱北苑龍團而武夷石乳之名未著至元設場於武  
夷遂與北苑並稱今但知夷武不知北苑矣 明朝不貢閩茶  
即貢亦備宮中浣濯甌盞之需貢使數費金抵京買而納之即  
間有採辦皆延平產非武夷也延平人呼製茶者曰碧豎新茶  
下崇安令例置貴人黃冠苦于追呼盡斫所種武夷真茶久絕

述鄭益校錄本

### 金絲烟

金絲烟出海外番國曰淡巴菘流入閩蜀名金絲烟性燥有毒  
能殺人天啟二年貴州道梗借徑廣西始移其種葉似薤長莖  
採而乾之刃批如絲今藝及江南北崇禎十六年勅禁私販至  
論死而不能革也

### 經劫草

茶陵州雲陽山有草長三十丈一本千枝一枝萬葉百年而開  
一花已開不謝陰卷晴舒名曰經劫草 茶陵州志



述鄭公校錄本

棗林雜俎中集

鹽官談遷孺木著

曠動

獸異名

獸之異名者曰舍利能吐金曰龜詭能化虎曰魁白虎也一名素威曰魑黑虎也蠖似狸長百尋曰象輿其背可坐曰獬胡似獼猴曰飛遽天上神獸也曰禺禺能知生死飲其血則見血曰猾哀音如斲木曰山獬其行如風見則大風曰辣辣狀如羊一角一目曰吉量文馬乘之壽千歲曰踈踴曰屏逢皆左右有首曰鷓蒼異犬也曰驚帆者快馬名曰飛燕馬也張平狗亦名飛燕曰鼈鼈者一角羊也能觸罪人曰倉光水獸也一身九頭



善覆舟曰破鏡惡逆獸曰不來狸也曰邛邛距虛比肩獸也曰花鵠王鐸卑脚犬也曰天鹿即天祿純靈之獸曰角端日行萬八千里曉四夷語曰餘幽隱獸也能辟災害曰雞斯散宜生賂紂馬也曰荼首兩頭鹿也曰瞿摩帝牛也曰騂騃距虛類曰蒙貴狀如獠而小善捕鼠曰贗者出大秦國似狗多力獷惡曰蚘蝮水獸也曰白棊踰輸山子皆駿馬名山子又名五明又名叱撥曰野子即騰紆也

### 禽魚異名

鳥之異名者曰畢方能銜火作灾曰鷲鷲雉也曰屬玉似鴨而大曰鷓鴣似鳧而脚高皆辟火灾曰庸渠鳧也曰焦明似鳳曰帝江天山神鳥也能歌舞曰鈞星衣毛為鳧脫毛為衣能收小

述鄭公校錄本

兒魂魄曰鷓鴣者出基山如鷄三首六目六足三翼食之無卧曰瞿如白首三足人面曰橐蜚者冬見夏蟄服之不畏雷曰鵠鵠者出小侯之山食之不照目曰鳴者出女儿山雄名運日雌名陰諧曰鳩鴉雛也曰鷓鴣斑鳩也曰雋周子規也曰須臾鷓也膏中瑩刀曰春鉏鷺也曰鶴鷓如鵠一名鷓鷓一名墮羿人射之則銜矢射人曰希有崑崙大鳥也曰嚶啁楚鳩也曰螭蹄即鳩也曰晨風鷓也曰博勞惡鳥即鷓也又名伯趙曰商羊羽禽也曰鷓：比翼鳥也曰謝豹杜宇也曰訓狐怪鷓也曰鷓河澤鳥相視而生曰阿濫堆驪山鳥也明皇取其聲為曲又作鷓濫堆曰迦陵頻伽妙聲鳥也曰僧婆鴈也曰秦吉了能言鳥也曰鷓出條支國高七尺解人言曰乾罽鷓武也曰脰鳥燕也



曰鷓山鳥也曰鷓鷩水鳥也曰鷓鷩即青鳥也曰批類即鷓鷩也  
也催明鳥曰麋鷩九頭鳥也曰韓朋鳥雙飛即韓憑夫婦所化  
曰漱金鳥魏時昆明所獻吐金屑如粟鑄之可為器曰冠鳧石  
首魚所化水族之異名者曰鯨鮫狀如科斗曰鰩鰩有橫骨如  
鼻前所擊無不中断曰鱟魚如便面雌常負雄行曰蝟似蝦益  
人顏色曰鱗魚如圓盤口在腹下曰三蛟似蛙蛤曰蚌似蟹而  
小曰蛭蝸小螺也曰瓊蛤腹中有蟹曰水母有智識無耳目曰  
龍鯉一角陸君曰文魃狀如覆鉢曰蠙螭大龜也曰吉弔龍卵  
也龍生二卵一為吉弔其脂治聾曰地甲龜一名神屋曰芘羸  
紫色螺也曰活師即科斗也曰仲明鮪魚也曰鱾刀鱈魚也曰  
魁陸蚶也曰人魚鯢魚也其膏可為燭曰水唐如小兒鱗甲如

述鄭益校錄本

鮫鯉好在磧上自曝曰緒神魚名曰彭越海中小蟬也曰儵鉢  
者浮陽魚也曰鰈比目魚也曰鯁鯁即烏鮪魚腸也曰鮪魚魚  
之生母也凡諸魚欲產輒以頭衝其腹曰印類魚即東坡詩通  
印子魚也曰禺禺揚州魚也又名解隄曰沈虎虎頭魚也曰潛  
鹿鹿頭魚也曰奔鯨一名濁嬾嬾所化曰白髮魚出滇池曰妾  
怪魚也出博白曰鰓如鵲而十翼捕之可以禦火曰燕魚魚也  
出福州曰螭蟬也曰百足亦蟬也長九尺四螯煎為膠謂之螯  
膠出善苑國曰黃臘即橫魚夜有光如燭雖為炙不滅曰骨雷  
鰐魚也一名忽雷能化為虎曰螭螭傍海大魚其溺甚毒曰係  
臂如龜入海捕者祭之則出

龍



龍生九子蒲牢好鳴因牛好音螭吻好吞嘲風好險睚眦好殺  
負巖好文狴犴好訟狻猊好坐霸下好負又博物志憲章好囚  
饕餮好水螭螭好腥蠻蚺好風兩螭虎好文采金狔好烟椒圖  
好閉口蚘蚘好立陰鰲魚好火金吾不睡皆龍種也嘉靖初海  
門縣牛渚潭產龍無數傍崖近水處皆龍窟舟過其下亦不傷  
人偶黃龍起揚氏射之中一目黃龍遂以楊氏舟扶真山嶺迄  
無害餘數十舟覆沒 嘉靖七年寶應知縣聞人詮以射陽湖  
水患奏開月湖試築紀功方類地祇舉事二龍戲水上鱗角畢  
露衆懼而寢時大雨繞四野獨不及工所咸稱其异 以上揚州府志  
南昌熊太僕 以比部郎謝獄永平大雨三日雨中若列千  
萬炬自西北至海及霽有大木三十長十丈遺永平城下土人

述鄭益校錄本

曰龍王採木數十年一見

諸城縣海邊人家有室女及笄者夏雨以手扞簷溜後右手拇  
甲內若有紅線寸許作盤曲之狀年餘不滅亦無所苦女伴戲  
而恐之曰得非龍乎明年夏雷雨女出其手于窓外忽震雷碎  
旬從窓門起有龍出拇甲中騰空而去但甲分裂餘無恙

沁水張忠烈銓以御史巡視隴右茶馬某地巨魚半露人鬻食  
之明日又半露仍鬻之日露日鬻旬餘大雷雨龍上昇而鬻食  
之家俱漂沒 忠烈子道濬說

陽城縣劉却刘氏夏雨跣坐拇指制掌動頃之破膚而出長三  
四寸騰雲頰長數十丈指微痛不覺 張藐山先生說

峨眉山泉為龍穴游人至僧鉢盛之如蜥蜴尹伸曰此下方蛇



醫何龍也僧指示首爪特異僧舍有碣昔有候汲入釜中頃刻  
雷電大作晝晦諸僧不知所為老僧曰得毋煮龍子乎亟發釜  
出之立霽

伏牛山泉游人祈龍現形可三四寸鱗角蜿蜒盛鉢中云佛受  
記以上臨海王恒叔游記

曹縣苗家寺佛像指出龍才三寸修數尺首向佛歛忽透空數  
十百丈赤光閃指今佛指痕存 曹縣郝開宗說

平湖徐在中以工部郎中分司張秋張真人舟過侍兒清麗徐  
時謔之真人曰先生可自重其某地龍也不信命進盤水侍兒  
忽入之即雷雨

萬曆己卯行人謝杰使琉球航海颶風作大雷雨有龍三掛于

述鄭公校錄本

舟上見其頭角一長年曰此來朝壘書急扶杰起書免朝示之  
即退 崇禎丙子沁水曲底邨山崩露龍骨首如五斗盞角長  
三四尺齒廣寸許爪甚長人多拾之藏于家

龍三停九似自首至膊膊至腰腰至尾皆三停角似鹿首似駝  
眼似甲項似蛇腹似蜃鱗似魚爪似鷹掌以虎耳似牛

龍涎香出蘓門荅刺因其國西有龍涎岫峙南巫里洋之中郡  
龍交戲其上遺涎焉國人駕獨木舟伺採之每一斤值其國金  
錢百九十二枚准中國銅錢九千文嘉靖三十四年下戶部取  
香百斤徧示京師不得下諸藩司採買廣東購每斤以千二百  
金僅得十一兩進內驗不同姑存之亟取真者廣東獄囚馬那  
別的貯有一兩三錢上之黑褐色密地山夷人繼上六兩白褐



色細問狀云黑者採在水白者採在山皆真不膺尋有密地山  
商再上通前共十七兩三錢五分次年進內辨驗是真許留用  
自後夷船聞上供稍稍挾來定價每兩售百金龍涎之為用也  
入香合和能收斂腦麝清氣雖數十年香味仍在焚之翠烟裊  
空不散或言涎沫有三品曰泛水曰滲砂曰魚食泛水則輕泛  
水面善水者伺龍出隨取之滲砂則凝積多年氣滲沙中魚食  
則化糞散於沙磧惟泛水者可入香用又魚食亦有二種海旁  
有花若木芙蓉者春夏間盛開花落海大魚食之若腹腸中先  
食龍涎花嚙入久即脹悶昂頭向石上味吐乾枯可用惟糞者  
不佳

蟒

述鄭益校錄本

爾雅蟒者大蛇也蟒無角無足龍則具角足今織蟒俱龍非禮  
見弘治元年都察院左副都御史邊鏞奏禁

蛇

京師西山潭柘寺有青蛇二歲四月八日僧函示大眾施錢手  
摩之祈免死

梧州火山有蛇廟佛鑪上蛇時纏之大小不等少則百餘多至  
四五百枚盜賊不服予蛇撚之是盜則嚙否則絕不傷人

天啓初福清葉向高相國應召道淮陰苦清口涸禱于金龍大  
王廟或作神語安地屬張將軍當問之若外河吾當護送夜果  
水漲達清口是日蛇附于枕杓薄暮升杓樓忽不見相國勒記  
廟中



崇禎 大旱其縣有三蛇金背白腹長四五尺餘有司設酒  
散祭之一蛇躍上臺案吸酒盡須臾不見 陳眉公集  
脆蛇出崑崙聞人聲即自寸斷人伺其斷鉗取之須寸各異處  
待風乾入藥若少頃無人聲寸寸動躍仍續而蛇也主治色勞  
以驚疑喪胆惟此可續命本草方書不載 玉鏡新譚

### 石魚

蘓東坡曰倦游錄云隴州地名魚龍出石魚掘地破石得之多  
鰕鯽之形鱗鬣皆具一如描画魚龍古之坡澤也豈非魚生其  
中山頽塞久土凝為石遂留形跡耶

萊陽聚溪出魚鳥石云魚淤沙中久之化石 文太清集

### 飛魚

述鄭益校錄本

國初杜侍郎 寅彥正 云有人航海得飛魚於黑水之洋其長二  
寸頤兩鬣各廣長寸餘張為兩翅海風發作從波濤飛集船上  
如燕雀既止則不能飛意者爰居海鳥亦此類與莊周所謂鷗  
化為鵬者荒誕也

### 五色魚

隴州魚龍水潭深不測產五色魚俗以為靈莫敢採捕

### 狼山魚

崇禎元年八月十三日狼山兵人喻棠布曾于港夕得魚可三  
尺巨首細尾体甚重投筴箸中忽太息曰我游自海上乃受制  
乎棠駭之即移歸漸縮作鮓三其尾棠惧擲殺之

### 鮐魚



雲南百夷中有小孟貢江產鮑魚食之日御百婦故夷性極淫  
貴賤俱有數妻山中又有芻薑餌一刀桂終身斷絕人道士人  
以飼牝馬不宦也 滇程記

### 鯢魚

四川通志榮經縣生鯢魚狀如鯢有四足大首長尾聲如嬰兒  
緣木弗墜

### 通州鯽魚

通州人葛原六魁梧豪俠人也以布衣獻鯽魚百尾時用法嚴  
或阻之原六咲曰爾不上食父母耶君猶親也庸何傷及至上  
上召問曰魚羹何如對曰臣未進不敢嘗也上大悅命賜酒食  
仍還其一曰勞汝勞汝其後歲進至九十九尾著為令

述鄭益校錄本

### 画魚

重慶府龍門山寺吳道玄画魚籃觀音池魚五色類籃中物相  
傳危失之魚水頓竭既獲即如初 陳周蝶卷存稿

### 石花魚

保德黃河之鯉肥美甲天下產處僅三十里以食石花而肥曰  
石花魚

### 銀魚

寶坻縣銀魚每歲霜降銀魚自海汴流而上縣設六廠各魚戶  
百七十人每歲中官下廠督捕進貢七次

### 鯽魚

南京中貴惟胡惟庸故府每歲于玄武湖中勅賜打魚三日名



飯魚

徐州城濠產鯽歲貢一千四百尾以元日冬至分進苗都南京後湖涑洲河並產鯽

西寧衛西五百餘里青海方數百里有魚皆負黑點一名卑湖未羗海漢末王莽諷卑未羗獻西海地置罷即此

蛙

峨嵋山天樂池中有蛙游人鼓掌則一鳴群蛙次第相和將終則一蛙大鳴群蛙頓止宛然一部鼓吹

玉蟾

揚城李瑛從宦葭州署後園見白蝦蟆甚大如瑩玉呼家衆視之已失所在

述鄭益校錄本

蝗

蝗腹下有梵字自忉利天梵天來西域作天坛禳之酉陽雜俎江中魚化為蝗而食五穀者百歲為鼠述異記

螢蟬

環慶無麥秋大梁無螢無寒蟬然寒蟬螢北京有之矣地之異耶冷使然耶李夢陽集

金蚕

無錫邠迪光金蚕說略曰金蚕閩中有之形似蚕色黃其說不見于諸書閩人曰蚕所<sub>在</sub>有金焉或過而拾其金蚕必與俱之家若不令與俱輒營營然緣足而上撲之復起旋撲旋起延及身手膠手執系足曠耳窒鼻兩目眊眩類無色澤四肢百骸愒愒



若失而死迫矣即不与俱而還其金亦由首企踵適然下地而  
不然者果死矣即已之家必倍其金以嫁于道路乃出否則不  
出也而所居家日殺一人亡論親疎怨德觸之必死死必其日  
所首觸者其毒蓋寓於飲食盤盂間故閩人有不知而偶拾其  
金以歸及已知而若無金倍送者或雖知且有知而性貪以忍  
者往往育是蚕云

蠶虫北海所無獨西南方有之閩廣滇貴延綏臨洮俱有閩字  
從虫謂金蚕也 五雜俎

### 野蚕

夢溪筆談禹貢萊夷作牧厥篚檠絲史記作奮絲爾雅曰檠山  
桑穎師古曰山桑之絲其靱中琴瑟之絃蘓氏曰惟東萊為有

述鄭公校錄本

此絲以之為繒堅靱異常萊人謂之山蠶爾雅曰蠶桑爾雅曰檠  
檠蠶棘蠶繅木繅玩蕭繅今萊陽之山繅繅蓋檠繅也枚乘七發  
野蚕之絲以為絃殆所謂蠶繅而靱堅者歟 文大青文集

永樂時山東進野蚕絲製衾荐之太廟群臣稱賀今東齊山谷  
有之与家繅等蚕月抗粮出蟻蠕蠕然即散置榭樹上榭樹初  
生時猗猗不異柔桑聽其眠食食盡即枝枝相換樹樹相移皆  
人力為之弥山徧谷一望皆蚕其蚕壯大亦生而習野處風日  
雨中不為疲然或傷水暎畏雀啄野人飼蚕必架廬林下手長  
竿逐樹按行為之察陰陽禦鳥鼠其稔也與家蚕相後先其穰  
者歲三收春夏秋焉蠶大者二寸非白非黃色類土淺則黃壤  
深則赤埴墳如果羸斃系食離綴木葉間又或如雉雞殼也蚕



食櫛名櫛食椿名椿食椒名椒蚕之小者作蚕堅如石大才如  
指在深谷叢條間不關人力樵牧遇之收曰山蚕繅不如染黠  
而有章敞不易色宋王禹偁小畜集云野蚕自成蠶繅密為山  
紬此物產何許萊夷負海州一端重數斤裁染為襲裘云讀  
是詩則知宋時未知珍也且曰裁染不幾于漆方竹杖乎

### 鳳尾

正德中武林陳洪謨守漳州之三年海上田者見大鳥飛過遺  
羽一于水涯長七八尺五彩炫煥衆以為鳳尾來獻命藏庫中  
後鎮閣來取荅以焚棄陳洪謨字宗禹弘治丙辰進士兵部左  
侍郎所著高吾詩集

### 碧雞

述鄭公校錄本

歙縣許文穆相國國孝廉時讀書宣城石山寺中偶見二青鳥  
飛鳴移時乃去僧曰碧雞也傳聞唐李翰林自蜀移來者我明  
惟舒梓溪狀元一見因出所藏圖卷示之許作碧雞篇綴其後  
雞足山異鳥

賓川州雞足山有金雞泉日有異鳥飲之鳥來必雙至二十隻  
而止四時皆然鳥無增減水無盈縮

### 石燕

零陵石燕相傳能飛飛即風雨唐詩石燕拂雲晴亦雨是也謝  
鵠云向在鄉中山寺為學見高岩上石有如燕狀者因以筆記  
之石為烈日所暴忽有驟雨過石即衝起往往墜地蓋寒熱相  
激而迸落非真能飛也



朱鷺

密縣志紅鶴大如舒鴈羽白而朱聲最濁食魚巢樹疑漢朱鷺也

海鵬

正德末有鳥黑色大如象舒翅如船蓬飛入長安門內大樹上啖人鵝如拾蛆虫然數日方去人以為海鵬也

石鵝

萬曆庚子七年山東任城縣浚河于石中剖得二小鷺大如拳能行動一老工曰三十年前曾得一

白蝙蝠

李太白集荊州玉泉山多乳窟中有白蝙蝠飲乳水而長生其

述鄭坐校錄本

大如鷺

鶴

萬曆庚寅夏臣謨入朝偶見苑中五色雀異之有詩

山東泰安州甘露寺林鶴受記每六月朔去鵬月朔來巢遼陽多雀常千百盤空列仙傳所云遼陽雀不虛也

淮安海州產鶴于濱海葦葦之區捕者深入必折葦記徑或得其卵蒸置故處七蒸七伏因剖為杯注酒氣形而上如雀

鶴

鶴有長水石故能于巢中養魚而水不涸鶴取礫石周卵以助煖氣

鷓鴣



弋陽汪少宰偉嘗赴中官席飯僅半甌香滑而膏异于常產問所出則蜀中歲進其米生於鷓鴣每尾止取二粒於放去來時仍可取也

鷓鴣

萬曆三年乙亥黃克悔北征道出九江同知洪樂卿告曰元年癸酉正月二十五日中使自西域取二鷓鴣歸一紅一白毛羽鮮麗蓋人所未覩者自言踰蜀始得之至楚而穆皇已賓天矣有詩紀感

沙雞

萬曆間京師市上有鳥大如鷓鴣毛色淺黃足五指有細鱗如龜紋名曰沙雞雞云自塞外至者其味亦似山雞

五雜俎  
述鄭益校錄本

沙雞西北邊鳥也 騎數擾沙雞無止冬月薄莫群飛過都如

風斯陣後飛止江北食未稼鳳陽守臣奏異鳥崇禎七年

陳子北南宮集 壬申沙雞入京每來必有邊警蓋古突厥雀也 丙

子 入宣府舉朝未聞 上從宮中傳諭本兵始知其事

楊士聰玉堂 按高宗甘露元年秋鳴鷓群飛入塞人呼鳴鷓突厥雀

蒼記南飛戎馬必至已而泥熟匄反至春群飛出塞多墮靈武間死視之無首後泥熟匄亡噫以古準今昭若左契矣

綠鬃采雞

諸暨有貨藥毒人者問于鄰媛鄰曰汝欲其急死乎曰然曰亟死禍將及身不若緩之使其人不知可自免也其人善之乃易綠鬃與之約數月始應至期又問曰汝欲其必死乎抑尚可解



也曰吾昔有甚怒今稍解矣曰前與者綠罽也不能殺人姑緩  
尔怒耳其人悔謝而去是年母雞抱卵三日羽毛變五采頭距  
易狀徧邑人來觀曰鳳鴛也恐非地方利夜縱之長山上錢德  
洪有綠罽采雞傳

### 雞

雞昏鳴俗所忌也崇德曹廣遠思崇禎庚辰登第其家雞昏鳴  
詰朝捷至 元氏長慶集云元和十五年奉宣令採同州雙鷄  
五睽各重四斤頻年採取一睽不獲自臣到州詢問採捕人等  
皆云二十年採得一睽雞耳昨旬日之內併獲兩睽斤兩輕重  
悉符詔旨今同州雞無聞止稱泰和雞萊陽雞

### 鴉

述鄭公校錄本

廣東無鴉又四川龍安府鴉至四月終有鳥群啄之鴉俱匿影  
華亭包長明守羅定所說

### 羅雀

桐城左遺直光斗萬曆庚子離館里許有白雀巢園飛集環數  
百雀江南老人指示土人曰此魏科之應左即登鄉榜飛去丁  
未會榜又來巢榜發又飛去後官中丞歸被逮公子往宿壽州  
居停誇言羅有白雀視之左翅有黑點仍庚子丁未巢館園者  
問其羅曰三月二十九日即中丞被逮日也為嗟嘆賄之隨  
身至宿州羈宿公館未發中丞問狀曰白雀為羅命也夫緣其  
毛羽為虞人所損附歸善飼俟其滿縱之中丞父甚愛護七月  
二十四夜忽遇猫害中丞父慘然知為指揮鎮撫凶聞果二十



四日也

牴詭

衛輝府治前石獸曰牴詭說文云此獸其性忠直

桃拔

西城域諸國鳥弋有獸名桃拔一名符拔似鹿長尾一角者或為天鹿兩角者或為辟邪安息有大鳥爵其頸似鷹身蹄似橐駝色蒼舉頭高八九尺張翅丈餘食大麥曾以大鳥卵獻漢即此鳥卵也條支亦有大鳥卵如甕大月氏出一峯索駝謂脊上有一峰也

毗耶

瓊州臨高縣西市毗耶山有獸似犬里人呼為毗耶

述鄭益校錄本

裴休

峨眉山有獸送客呼以裴休則應

騰豸

廣東肇慶府西北十五里騰豸嶺以產騰豸故名騰豸木猴類頭正方貌類人髮長尺餘常覆面欲有所睨輒搖頭以兩手披之一名騰豸

獅

天順中西番獻獅子道獻其皮錦衣衛指揮僉事喜信使其人上書求通使開西域

西苑獅日食一羊西域胡人主之白布纏首帶衣綠支正三品科



鹿

南京靈谷寺 太祖手書第一禪林鹿百十為群其懸銅牌者國初所畜

犬

雲南縣南二十里山木山寺有木犬貴客至木犬自吠俗說犬豕獨產不利尔雅犬生三獾二獅一獬豸生三獾二師一時郭璞注豬生子嘗多故別其少者之名又致富奇書犬生一子其家三年內大發

羊

山西羊有八角至四角六角為常松潘出六角羊土人云羊與鹿交故六角

述鄭益校錄本

白兔

虎鹿兔皆壽千歲滿五百歲者其毛色白 萬曆中有船商自暹羅携白兔歸閩售四百金每季而育其種日繁盖另一種生即色白崇禎中浙直徧有之直三四金

鼠

詩相鼠有體人而無禮陸機云河東有大鼠交前大脚于頭上跳舞善鳴相地名按地志相州與河東相隣則知相州有鼠詩人盖取譬焉 密縣開陽山周圍三里產香鼠惟經人行之路則抱蒿莖棘枝而死或樵牧者偶遇之亦不能多得 黃花鎮禮鼠色如貂毛淺冬聚榛寔于穴貯之多至三斗作岐穴貯之其榛實美好倍常山氓多掘取之鼠失榛實牝牡皆竿脰樹



枝縣死若縊鎮將閔之雖厲禁不能止

麟

麟爾雅釋麇身牛尾馬蹄一角春秋所獲麟也大麇一角牛尾  
即漢武郊雍所獲麟也不角者麒宋仁宗嘉祐二年交趾所進  
二麒麟牛身象耳狗足魚鱗所食草木皆中國無有

豪彘

山海經華山西七百里曰高山出豪彘今平涼美高山六盤是  
也豪彘狀如彘毛似刺蝟而大可以為簪黑上白下甚美弩之  
能射物以自衛嘉靖前多有 平涼府志

馬

平涼縣馬市主二監七苑馬政 開城苑荒熟地三萬六千四

述鄭益校錄本

百七十頃四十三畝縱一百二十里橫八十里碑標二十九樹  
額軍七百人原馬并駒二千六百三十八匹

廣寧苑荒熟地二萬<sup>五</sup>千八百八十頃五十三畝縱五十里橫  
一百里碑標十五樹額軍五百人原馬并駒千二百五十四  
黑水苑熟地萬一千六百二十七頃九十六畝軍民地相交碑  
標十五樹額軍二千七十六人原馬并駒一千四百匹

安定苑

七百匹

清平苑荒熟地二萬五千九百一十頃三十一畝縱七十里橫  
四十里碑標二十二樹額軍五百四十二人原馬并駒二千四  
百七十四匹

萬安苑



武安苑荒熟地二千九百五十七頃四十三畝額軍四百四十六人原馬併駒千九百四十九匹

長樂監轄廣寧開城黑水安定四苑靈武監轄清平萬安武安三苑共牧地十七萬七千餘頃馬一萬四千餘匹牧軍三千三百餘人田重牧輕皮肉收銀三兩有奇按制先定州縣田稅後以隙地為牧本自相間嘉靖三十一年平涼通判嘉定陳應祥舉籍平固以北皆為牧地民村落室廬皆廢為牧

平涼府志

滁州種馬每兒馬一匹人丁十丁田三百畝騾馬一匹人丁十五丁田四百畝各領養外十丁養牛一隻額分犍牛牝牛每群一匹定價本色馬二十兩折色馬十八兩

滁州志



